



01051

梅里詩輯卷第十三

朱彝尊

別杜濬

石城烽火後孤客轉浮沈乞食求吳市爲園失漢陰襄陽耆
舊傳荆楚歲時心還復扁舟去淒其洛下吟

送十一叔子葆游中州

執手長途外雲天入望低離亭分遠近溝水自東西薊北仍
戎馬中原盡鼓鼙夷門知尚在風景日淒淒
木葉下亭舉西風一鴈高驅車千里道結客五陵豪河水浮
官渡關門鎮虎牢驪駒方在路尊酒意徒勞

旅館涼風起秋城畫角哀天涯方遠客阻道且深杯山色陰
梅里詩輯卷十三

中岳河流繞吹臺梁園多雨雪歲暮好歸來

寄俞汝言

晴川渺千里烟樹鬱蒼蒼失意思同病離羣卽異鄉轉蓬難
得地驚雁不成行爲憶東籬菊霜清滿徑黃

送家司理之官峩眉三首

新分明府綬舊詠法曹詩異地難爲別頻年最見思賢聲花
縣起歸計竹垞遲縱遣音書隔山川夢見之

秦棧無難度巴歌亦可聽勒銘凡幾處籌筆有孤亭玉壘尋
山市青衣注水經更傳聽事好空翠落門屏

萬古峩帽雪孤城暑亦寒爲憐眞僻遠猶喜未凋殘碛水流
琴曲山花接錦官飛來一片月相憶卷簾看

卽事二首并序



里人許燦衡纂編

入春菽麥未熟饑民載塗告于太守諭諸比鄰各率私錢
爲粥以食餓者日萬餘人俄而謫書滿紙無由自白乃有
落瓜里民就食經月以農務告歸持瓣香踵門稱謝紀以詩
惻隱人心共何期物論殊螳蜋齊挾斧蕙苒乃成珠捷捷謀
宵雅申申詈左徒角張逢五六作事哂今吾

世事翻成覆人言僞亂真不圖落瓜里乃有鬻桑人布穀迎
新雨收蠶及暮春要知升斗水也足潤蕝鱗

岳忠武王墓

宋室偏安日眞忘帝業艱但愁諸將在不計兩宮還鄂國英
雄士淮陰伯仲間策名先部曲薄伐自江關赤縣期全復黃
河度後灣龍庭生馬角雪窖視刀環城下盟何急師中詔已
頒盈庭尊獄吏囊木謝朝班相狡妻兼煽和成主愈孱長城
梅里詩輯 卷十三 二

顯皇帝大閱圖爲吳金吾國輔賦并序

萬歷初太師張文忠公居正秉國勸駕大閱時兵部尚書

吳公兌實典禁旅俾圖以傳子孫錦衣都督同知國輔尚

書曾孫也出以觀客圖長三丈餘內自宮闕外至陵寢極

於沙漠止焉絲是萊陽宋改作賦南昌王賦定作記而聲

尊 作詩以述之

神廟垂衣日江陵總百官揆文先奮武慮亂本居安殿上蕭
何履朝中貢禹冠孫通明禮樂方叔蒞師干駕馭英雄在超

騰士馬驩車徒看翼翼禁旅尙桓桓畫史眞能事披圖得鉅
觀丹青榮顧愷宮室擬胡寬歷歷開城闕高高疊井榦虛無
凌倒影縹緲結重纈大液波還靜長楊露未乾收樓原自鎖
圓殿不禁寒仙仗移平樂霓旌擁上闌忽驚千騎並旋訝六
營團作氣陳金鼓前驅建玉鑾輕雲承翠蓋麗日表朱竿遂
列堂堂陣爰升將將壇小侯班四姓大閱用三單紫燕雙絲
絡花驄七寶鞍呈能羣角觝教射集星弁解飲籌無算饒歌
曲漸闌行知塵冉冉歸想佩珊珊遠勢工尤極平原繪更難
蕭疎連板屋迢遞出峯巒百里生毫末諸陵望鬱盤薊門無
埃火函谷有泥丸元老謀猶壯諸孫手澤完錦題探篋筭湘
簞展琅玕對此成希覲因之感萬端雨烟飛蜀錦霜雪皎齊
欽賦愧王延壽謠同梁伯鸞儀章長在目珍重歲時看

梅里詩輯

卷十三

三

謁劉文成公祠

草昧經綸日英雄戰鬪年眞人淮泗起王氣斗牛躔命世生
良弼卑棲役大賢一官齊簿尉千里正戈鋌記室依袁紹飛
書謝魯連神鷹思飽掣威鳳必高騫漢祖除秦法周王卜渭
畋廟堂才不易束帛禮宜先遂有君臣契能令帷幄專南征
頓克敵北伐旋摧堅王會收三統軍謀出萬全河山分帶礪
冠蓋儼神仙未辟留侯穀長辭范蠡船麒麟當日畫竹帛後
時編一自邛陵改重愁歲月遷隆中猶故宅絲上少封田舊
俗還祠廟清歌入管絃黃金遺像蝕鐵券後人傳古瓦甍
落荒庭檜柏圓珠絲虛寢胃鳥跡斷碑眠想像陰符策沈吟
寶劔篇前賢餘事業後死尙迤邐去去辭粉梓栖栖到海壖
空林多雨雪哀角滿山川玉帳無遺術蒼生久倒懸憑留一

黃石相待穀城邊

真如寺塔重建

舊湧仁王塔今開帝釋宮
峰臺重攬勝龍藏古稱雄
歷歷時堪紀高高望未窮
地猶丞相宅石是上軍功
戰火臨城日飛塵浩劫中
魚羊乘乙酉象馬失西東
匠訝胡寬巧圖看郭恕
工宜和畫請郭忠恕有雪山佛剎圖經營還故蹟
髣髴像新豐點墨遺千界
梯雲上半空燈前招怖鴿
鳥下數歸鴻不有危標建
安知寶鏡崇火珠將月滿
金台與天通盤峻宜承露
幡吹定繞風留題存片碣
高詠後羣公白髮愁章誕
炎飈靜祝融伽藍如可記
應比洛陽同

謁泰伯廟四十韻

沮漆尋源合江蠻相土宏
古公遺哲嗣內傳有明徵
肇迹貽梅里詩輯卷十三

四

謀遠先幾脫屣能帝心惟
季度祖武得昌繩句曲誅
茅始衡山采藥曾屈伸等
龍蟻游息喻鷓鴣三讓聲
何忝羣黎愛莫

懲稻田占樂歲秦伯圍田城內瓜瓞啓新陞
洌井深堪汲高墉近可

乘謳歌頓洋溢獄訟省侵
陵化被仁風厚經傳至德
稱宋徐倫請

更論語名魯經玉輿初弗顧黃屋詎難勝陸雲碑獄訟載歸詎歌屢請能舍玉輿之貴永襲皮

冠之自竊宗盟重維南庶績
疑命圭還作伯端委豈無
明節

孰千秋並名將萬代矜舟子太伯將讓國語其傳曰王欲吾嗣一國之事吾其差之吾聞至人不

貴一代之貴世家倫序定人表
上中應漢書古今人表泰伯仲雍均居第二等

地紀吳甄胄見陸廣微吳地記祠沿漢永興到門帆
葉卸陸龜蒙詩讓王門外

開帆倚郭殿檐層行潦蘋
長薦平墟墓未崩友于同
一廟皮

伴詩一廟爭祠兩讓君棲止必雙憑
熟食均籩豆文身判股肱
獨存冠

黼皐不散髮鬢髻史記索隱引世本文雍是熟食故字熟哉攷文身被髮止雍一人遜位翻

追王浮家乃誕登典儀咸秩久齋宿有司恆芭舞經春演靈
旗練日升官橋行坦坦近廟有社鼓奏鑿鑿霸業諸孫歇豐

碑異代增斗牛含氣象烏兔信環經

至德橋

議禮邦人懈彌文俗吏

愴漸疎胞與翟下遣簿兼丞畫繪添奇鬼

潘凱記祠兩廡下土妖木魅詭形罔

象編氓句福

牲醪減舊秤但令巫史祝罕觀蕙肴蒸斷礎方

花涇空廊蔓草芳青蟲晴挂樹蒼鼠暗窺燈邇者

鳴鑿至恭惟嘉惠承爲章倬雲漢題扁照椒棧過容爭趨謁

其誰免戰兢杏梁浮震澤栗主配延陵陸典勤分掌

同時范文正程

明道宗忠簡諸祠降御書扁額

恩言盡服膺法施民矢報終古潔劔瓚

東甌王廟

九牧維揚外三江霸越餘

王勾踐之後同長沙王吳芮率百越師從漢祖入關滅楚入關

從漢約遵海裂秦墟豪俊宜如此艱難氣不除策功巨項藉

梅里詩輯

卷十三

五

分壤接無諸迹異尊黃屋忠能奉簡書長沙堪伯仲百濮定

何如萬古開王會孤城指帝車

永嘉城象北斗號斗城

靈旂存髣髴過

客盡歛獻殿瓦年頻坼霜林日漸疎躑踈山鬼立苔蘚石堂

虛側想風雲會乘時草昧初遠塗今日暮下拜獨躊躇

橋李

佳果先秋熟來禽也不如瑤光珠斗散青簡素王書瘦地翻

宜嫁柔條亦易舒最防黃霧塞務使綠陰疎暑暘漿偏潤風

吹粉未除豐肌須小摘纖核乃中虛銷夏吾鄉好分甘佛寺

初曾留西子招當食轉憐渠

秣陵

秣陵城闕暮雲封估客帆檣落日逢萬里星霜沙塞鴈五更

風雨掖門松長江鐵鎖空千尺大道朱樓定幾重此夕愁人

聽鼓角驚心不似景陽鐘

梅市對雨遲朱

士稚

不至同呂

師濂

祁

理孫班孫

分韻

得泥字

溪亭蕭瑟水雲低積雨千山極望迷落葉漸看沙徑滿寒鳥
偏倚女牆曉重來賓客仍羈旅此去鄉關亦鼓鼙何事懷人
坐惆悵且拚今日醉如泥

土木堡

平蕪一簣狼山下九月驅車白霧昏到眼關河成故迹傷心
土木但空屯元戎苦戰翻迴蹕諸將論功首奪門早遣金繪
和社稷祠官誰奉裕陵園

宣府鎮

高城西北控燕都吹角清秋落日孤尙憶武皇巡玉塞親從
梅里詩輯

卷十三

六

鎮國剖金符宮槐御柳今蕭瑟虎圈鷹坊舊有無邊事百年
虛想像誰誇天險塞飛狐

雲中至日

去歲山川縉雲嶺今年雨雪白登臺可憐日至長爲客何意
天涯數舉杯城晚角聲通鴈塞關寒馬色上龍堆故園望斷
江村裏愁說梅花細細開

度落馬湖

自從前度黃河決董口填淤駱馬過夫柳至今喧里巷客帆
終覺厭風波東南民力愁先竭西北源泉棄尙多安得歲星
長守越年年輓粟上盤渦

淮南感事

城樓高見碧湖懸淮堰將傾近百年比歲凶荒耕未得向來

修築計誰先預愁四瀆江河合直恐三吳財賦捐開濟何人
輪上策升虛急誦楚宮篇

題竹垞壁

買斷竹垞將四載園林新筍未經嘗今來散帙時初夏忽見
抽梢喜欲狂背市有人酤濁酒南鄰許我借匡牀江村臥穩
真堪樂愁說燕雲射獵場

池上編籬偶成二首

槐泚菱池水一窪好編六枳作籬笆客來與乞平安竹老去
思裁頃刻花農丈人唯知避俗村夫子更嬾移家試添隔岸
香茅屋眼見南垞勝北垞

清時特地許閒身底用湫囂傍市塵著錄九經堪送老擁書
萬卷不言貧爲農也解量晴雨置酒渾忘是主賓寄語巖栖

梅里詩輯卷十三

七

譚給事瑄何妨近作耦耕人

羅浮蝴蝶

攜來柏葉綴莎蟲蝶繭多懸烏柏葉底物俛初溫五月風蝶以五月朔破繭出

鳳忽然看倒挂仙蠶深恨不同功粉香弄玉勻塗後裊色麻

姑想像中離合神光終莫定畫圖誰信小滕工蝶圖滕王元嬰子湛然

畫

藤笈初開且試飛槩牙牆角見應稀輕狂忍把霜紉撲愛惜
須加繡幕圍萬里風花香入夢六朝金粉畫成衣吳娘正要

湘蓑樣分付流黃第一機宋樂府有九張機自一至九

籬邊野外舞春駒認得羅浮種獨殊衆裏自應呼鳳子生來
只解抱花鬚鉛華水淨分初日金縷衣輕颺五銖比似吳人

看西子未貪市上一錢輸孟子疏西施至吳市觀者各輸錢一文

猶記歸裝嶺外齋炎天二月展金泥衰年再見真難得異物

初生也不齊偶落人間休悵望但留花底莫東西寄聲爲報

垂虹長好配新蛾與並栖虹亭詩中尚存三齋

曝書亭得孫學士致彌都下札

杖藜還藉短童扶暇覓筠牀雀糞洿典籍曝餘翻散亂田園

歸後轉荒蕪病蔬幾見連筒灌薄酒生憎入市沾差喜故人

遙記憶八行書肯報潛夫

讀春秋作

○春日讀春秋左氏傳心非胡氏夏時冠周正之說偶

憶草廬吳氏讀尚書絕句原詩前漢今文古後晉古文今若論伏勝功遺像當

金鑄因用其韻

魯史王正月羣疑積至今耶明一周字直可抵千金

梅里詩輯卷十三

杉青牖別佟學士法海

跣跣題絨扇灣洄住綵船合并曾幾日相送落帆亭

題倦圃圖二十首

叢筠徑

柴門面湖水深徑聞人語月出翠烟開相逢乘舟去

積翠池

流水石橋東修篁蔽空曲獨吟橋上行縹緲衣帶綠

浮嵐

宿鷺拳沙石虛窗啟夕烟東西望南北蓮葉總田田

范湖草堂

松石閉門中芳菲蕙草叢春船迴夜月鰕菜幾時同

靜春茶

晴戶冑晴絲風花爛紅藥緬懷風中琴兼此花下酌
圓谷

山牆高下築中見林扉開相邀入空谷偶坐心悠哉
芳樹亭

獨石歌長臥空亭夜不扁春風平仲色相見幾回青
谿山真意軒

遠樹聞疎鐘夕陽上喬木相對忽忘言賞心在幽獨
容輿橋

清淺水石間文魚散花嶼催客引流觴山橋更延佇
漱研泉

主人南粵歸獨載端溪石晝日三摩挲此意人不識
潛山

梅里詩輯 卷十三 九
積雪開半林洩雲有膚寸會此靜者心潛藏本無悶

霜林吹石溜清響徧亭臯夜半愁風雨不知山月高
錦淙洞

采山樓
高樓坐銷憂襍李高西路夕照望千家春浮倚雙樹

狷谿
我本狂歌子卻愛狷谿水滔滔天下人誰能洗其耳

金陀別館
舊識談經地巖扉靜不開秋深叢桂發金粟禮如來

聽雨齋
風吹石蘭花柔荑雨中長清夢入空山亂落紅泉響

橘田

瀟灑衡門下陽坡縱所如青霜猶未降先報右軍書

留正齋

平生金石心一室千秋慮我亦問奇來徘徊不能去

澄懷閣

欲覽城南勝宜登池上樓烟波長在望不放五湖舟

春水宅

遠水浮橋直方塘入戶低東風楊柳樹吹綠草堂西

更舞蛟石爲蛇蟠石紀之詩

府治東徐少卿祠有苔石奇古土人曰舞蛟傳是花石
綱所遺然至元嘉禾志明柳琰鄒衡趙瀛三志均不載未
析所從來按元憲谿黃玠弁山小隱吟錄有爲濮樂開司
令作蛇蟠石歌樂閒家濮院意明初產入官後好事者移

梅里詩輯 卷十三

十

置此地爾妄擬李白更九子山例書之承錄

石以舞蛟名未若蛇蟠古試誦弁山吟圖經猶可補

懷鄉口號八首

醜舫西偏盡竹梧紫微山石儘教鋪兒孫鄉里堪娛日不用

千金買佛奴

醜舫余齋名元濮樂閒以中
統鈔一千錠買歌兒汪佛奴

先人舊宅北門樓舍後斜陽塔影低門逕傷心難再問夢魂

猶繞舊沙隄

碧漪坊裏譚公宅鴨腳清陰半畝餘最憶兒時好兄弟樹根

同讀五車書

五經進士譚公宅在府治東北碧漪坊舟石郡
丞左羽孝廉孝山太守次友典籍及亡兄舍人

夏士皆讀書於是余亦
與焉庭有鳴腳樹三本

舊日園

荒惟餘曲水繞芳塘少年最憶春游好曾向

顏家看海棠

顏家園海棠花
最盛今已摧折

墨林遺宅道南存詞客留題尙在門天籟圖書今已盡紫茄
白竟種諸孫項處士元汴有天籟閣著古書畫甲天下其
閣下有皇甫子循屠緯真諸公題詩尙存

舊游俞繆日過從三李銜杯興最濃明月綠窗期沈約白鹽

赤米問周容憶右吉天自斯年武
曾分虎山子青土也

司農泉石向來耽徐穉同遊飲必酣夢想谿山眞意好戛天

修竹水亭南曹侍郎秋岳倦圃有谿山
眞意軒徐穉指敬可也

方外能詩數復公結茅初地虎谿同詞人寂寞宜過此一舸

月明湖水東復公字文可住初
地庵詩格最老

積雨八首

自從甲子春來雨四月從無三日晴薄暮東風吹轉急泊舟

小雨看潮生

水木陰陰夏尙寒桑枝風戾幾曾乾莫愁著屐衝泥遠小舫

梅里詩輯卷十三

十一

撐過繡鴨灘

沒盡荷花紫草田菱池新水芊陂連畏寒不獨衰翁甚年少

冬衣未拆絲

貓頭筍夾白版扉鹿眼籬綻黃薔薇綠陰門巷午風起吹遍

楊花總不飛

烏篷夜拄釣船坊曉起水添三尺強欲覓園花查上舍剛琛

但愁橫漲板橋妨

荷葉新抽一丈莖柴門起漲到磯平黃鸝粉蝶不相見唯聽

鶉鳩逐婦聲

芍藥醱醱不到餅園荒六枳戶常扃吳蠶已是三眠候桑葉

依然陌上青

棟花信後猶凝紫梅花枝頭尙未黃枉費祈晴丙丁帖殺風

雨至轉顛狂

曝書亭偶然作十首

拓得園基一百弓，閒來樹底逐雞蟲。
埽除蝗菜下鸞粟，亟命畦丁修水筒。

坵南宜得翠筠看，上番移來近百竿。
昨夜疾風吹拔木，老夫差喜竹平安。

蜻蜓翅，丹蝴蝶，黃白露，滿園秋草長。
靜聽桑斧斫叢棘，忽露一株巖桂香。

蒲萄煎，濃注酒，餅酒闌，荷葉香。
滿汀新涼枕簟不妨設，時有北風吹我亭。

槿花本與佛桑同，也向籬邊吐白紅。
試待來年根盡活，編成著色短屏風。

梅里詩輯

卷十三

七

雨裏芭蕉風外楊，水中菡萏岸篔簹。
衰翁愛植易生物，不願七年栽豫章。

移橙種橘計蹉跎，一箇茅亭草蔓多。
輸與城隅譚給事，花時處處有行窩。

縮版誅茅事偶然，修門見說此亭偏。
須知庾信園雖小，詩賦江關獨易傳。

平泉花木遠爭移，金谷繁華盛詠詩。
淪落栖遲杜陵叟，何人尙寄草堂貲。

戴生好事真難得，許我太湖石一林。
自哂愚公無氣力，六張五角費沈吟。

醜舫卽事二首

破窗風雨溼書籤，睡起明星忽在簷。
最喜蛛絲捎竹尾，牽牛

弄珠樓外月輪明九派寒潮一夜生怪道漁榔爭入市白鰕
青鯽滿東城

十里湖光一葉舟五層塔火浴中流曉來寺寺霜鐘急驚起
唳烏掠渡頭

吳娃蕩漿溼輕紈西浦菱歌聽未殘路入板橋舟去遠遊人
尙擁赤闌干

博陸祠東畫舫開兩頭簫管勸交杯城門緩鎖銅魚鑰坐待
三更月出迴

黃雀披繇出葦荇花雞剖腹露紅椒不煩蘆漚晶鹽糝米汁
船娘手自調

鱸鄉蟹舍說豐年秔稻當湖熟最先一雨新晴纔幾日家家
門外送租船

梅里詩輯

卷十三

古

化城香刹裊幡竿五髻如來石作壇乍浦南風潮兩信新黃
袖子滿堆盤

夾岸芭籬鹿眼麕近船花草錦茵鋪湖邊漸少閒田地隄上
宜添賣酒壚

鴛鴦湖權歌一百首

有序

甲寅歲暮旅食潞河言歸未遂爰憶土風成絕句百首語
無詮次以其多言舟楫之事題曰鴛鴦湖權歌聊比竹枝
浪淘沙之調冀同里諸君子見而和之云爾

蟹舍漁村兩岸平菱花十里權歌聲農家放鶴洲前水夜半

眞如塔火明

宋朱希真避地嘉湖放鶴洲其園亭遺址也
余伯貴陽守治別業於上眞如塔峙其西

沙頭宿鷺傍船棲柳外驚鳥隔岸唳爲愛秋來好明月湖東
不住住湖西

春城處處起吳歌夾岸疎簾影翠蛾一葉舟穿妝閣底傾脂
河畔落花多傾脂河在楞嚴寺東人家多跨水爲閣

寶帶河連錦帶斜精嚴寺古黯金沙牆陰一逕游人少開遍
年年梓樹花寶帶錦帶俱水名精嚴寺多梓樹

西延里接韭谿流一簣餅山古木秋慣是爭枝烏未宿夜深
曉上月波樓西延里載于寶搜神記在嘉興縣治西韭谿之能臣天下名酒記樓徐令孤挺

所建宋人集題詠詩詞甚多
橋李亭荒蔓草存金陀坊冷寺鐘昏湖天夜上高樓望月出

東南白苧村橋李亭址在金銘寺北宋岳珂爲勸農使居金陀坊著金陀粹編寺南有樓名湖天海月

百尺紅樓四面窗石梁一道鎖晴江自從湖有鴛鴦目水鳥
飛來定自雙

倅解偏宜置酒過亭前花月至今多不知三影吟成後可載
梅里詩輯 卷十三 五

兜娘此地歌陸游入蜀日記倅解花月亭有小碑乃張先雲破月來花弄影樂章云得句於此亭也張子野云往歲吳興守滕子京席上見小皮兜娘後十年再見於京口

女牆官柳遍唳鴉小閣臨風卷幔斜笑指孩兒橋下水雨晴
漂出滿城花孩兒橋在天寧寺東石闌盡刻作孩兒載魯應龍括異志

檣燕檣烏繞捍師樹頭樹底挽船絲村邊處處圍桑葉水上
家家養鴨兒樂府阿子歌注嘉興人養鴨兒作此歌

桃花新水湧吳艚十五漁娃櫓自操網得錢塘一雙鯉不知
魚腹有瓜刀錢塘杜子恭就人借瓜刀其主求之曰當卽相腹得瓜刀見搜神後記

穆湖蓮葉小於錢臥柳雖多不礙船兩岸新苗纔過雨夕陽
溝水響谿田
金衣楚雀白鷓鴣雞不住裴公島上唳白馬未嘶雲屋外紅船

先度板橋西

裴島卽放鶴洲相傳裴休別業

隄外湖光隄內池露荷珠綴夜涼時阿誰月底修簫譜更按東堂舊日詞

毛滂在秀州賦月波樓中秋詞云露荷珠綴照見鷺鶩睡月底修簫譜樂府調名東堂滂集名也

鴨餛飩小漉微鹽雪後壚頭酒價廉聽說河魴新入市萋蒿

荻筍急須拈

方回題竹杖詩跳上岸頭須記取秀州門外鴨餛飩

城北城南盡水鄉紅薇徑外是回塘千家曉閣紗窗拓二月東風蕙草香

西水驛前津鼓聲原田角角野雞鳴苔心菜甲桃花里未到

天明懼入城

西水驛在城西桃花里人多種菜爲業

姑惡飛鳴觸曉烟紅蠶四月已三眠白花滿把蒸成露紫萸

盈筐不取錢

姑惡鳥名蠶月最多野薔薇開白花田家籬落間處處有之蒸成香露可以澤髮

梅里詩輯

卷十三

去

村中桑斧響初停溪上叢麻色漸青郡閣南風纔幾日荷花

開滿鏡香亭

府城西北有麻溪鏡香亭在慈恩寺南今廢

徐園青李核何纖未比僧廬味更甜聽說西施曾一招至今

顆顆爪痕添

徐園李核小如豆絲懸其中僧廬謂淨相寺產攜李每顆有西施爪痕

藉袈橋上水松牌白石登鴈齒階曾記小時明月夜踏歌

連臂竹鄰街

竹鄰里元陳秀民所居藉袈橋在其東北

谷水由來出小湖瀆城辟塞總春蕪戰場吳楚看猶在折戟

沙中定有無

水經注引吳記谷水出吳小湖逕由拳縣瀆城在今城北十五里水經注又云浙江又東逕柴

辟南舊吳楚戰地備候於此故謂之辟塞

金魚院外卽通津轉粟千般壓水濱年少女牆隨意望縫衣

恰對柁樓人

輿地紀勝金魚院在嘉興縣西北

懷家亭館相家湖雪艇風闌近已蕪猶有白蘋香十里生來

黃蛺蛤蚺龜

懷悅居相湖南開柳莊有水亭名雪艇湖中產蛺甚肥

學繡女兒行水潯遙看三塔小如鍼並頭菡萏雙飛翼記取挑絲色淺深

城西學繡里俗傳西子入吳刺繡於此三塔龍淵寺前塔也

梅花小閣兩重階屈戍屏風六扇排不及張銅爐在地三冬長煖牡丹鞵

里有張鳴岐製銅為薰爐聞於時

鶴湖東去水茫茫一面風涇接魏塘看取松江布帆至鱸魚切玉勸郎嘗

鶴湖在魏塘清風涇即白牛涇

蓮花細步散香塵金粟山門禮佛頻一種少年齊目斷不知誰是比肩人

金粟寺在海鹽西南林坤誠齋雜記海鹽陸東美妻有容止夫婦相重寸步不離時號比肩人

孫權封其里

織成錦衾碧間紅繅以吳縣四五通錦上鴛鴦三十六雙樓

夜夜水紋中

里出善錦

梅里詩輯

卷十三

七

天寧佛閣早春開鳥語風鈴次第催怪道回船溼羅幟嚴將軍墓踏青來

天寧寺在秀水縣治東北後有嚴助墓

長水風荷葉葉香斜塘慣宿野鴛鴦郎舟愛向斜塘去妾意終憐長水長

長水秦時所鑿斜塘地名

踈地垂楊絮未飄蘭舟上已祓除遙射裏城北南風起直到吳江第四橋

城北王江涇有射裏橋俗語為壽香橋即射裏城故址

宣公橋南畫鼓搗酒船風幔挂鴉叉碧山銀盃勸郎醉權入南湖秋月斜

陸宣公橋在城東朱碧山元時嘉禾銀工宋聞人滋南湖草堂記樵李澤國也東南皆陂湖而

南湖尤大

木樨花落擣成泥霜後新橙配作壺猶恐夜深妨酒渴教添

玉乳禦兒梨

禦兒玉乳梨見漢書注

畫眉墨是沈珪丸水滴蟾蜍硯未乾休恨圖經山色少與郎

終日遠峯看沈珪禾人善製墨諺云沈珪對膠十年如石載樓詩野色更無山隔斷是也何蘧春潛紀聞郡城四望無山宋鄭毅夫月波

三姑廟南豆葉黃馬王塘北稻花香秋衣薄處宜思妾春酒熟時須餉郎三姑事見括異志今長水有廟馬王塘在其北

小婦春風樓下眠與論家計最堪憐勸移百福坊南住多買千金圩上田石門有春風樓錢塘元末避地千金圩陸小蓮百福坊人貝瓊元末避地千金圩

小舫中流播燕梢一螺青水練塘坳隨郎盡日鹽官去莫漫將儂半邏拋燕梢船名長水東有練浦一螺青浦水名劉長卿詩半邏鸞滿樹今謠為半畝

鎗金硯匣衍波濺日坐春風小閣前鏤管簪花書小字把郎詩學魯書編鎗去聲斜塘楊樞工鎗金鎗銀法以黑漆為地鏤刻山水樹石花竹翎毛亭臺屋宇人物調

兩近黃梅動浹旬舟回顧渚鬪茶新問郎紫筍誰家焙莫是雌黃鉛粉以金銀箔傅之見陶宗儀輟耕錄杜詩編年自禾人魯嘗始

梅里詩輯卷十三

太

前溪讀曲人

秋燈無燄剪刀停冷露濃濃桂樹青怕解羅衣種鴛粟月明如水浸中庭禾中產鴛粟相傳八月十五夜俾女郎卸解衣播種則花倍繁

繡綫圖存陸晃遙唐家花烏棘鍼描只愁玉面無人畫須是傳神盛子昭陸晃禾人有繡綫圖載宣和畫譜唐希雅及孫宿皆善畫花鳥墨作棘鍼子昭魏塘人嘗畫崔

像

去郭西南桂樹林五畝之園一半陰笑插枝頭最深蕊兩鬟如粟辟寒金城西屠氏園有桂二本垂蔭逾畝每歲兩樹送開金蕊一枝

榆錢陣陣麥纖纖野菜花黃蝶易黏記送郎船溪水曲平蕪一點甌山尖甌山在桐鄉今為錢大理貢墓

比翼鴛鴦舉權迴雙飛蝴蝶遇風開生憎湖上鷓鴣鳥白遍魚梁曬翅來鷓鴣湖在海鹽縣西

龍香小柄琵琶彎切玉靈瓏約指環試按花深深一曲海棠

開後望郎還南宋大學服膺齋上舍鄭文秀州人妻孫氏寄秦樓月詞一時傳播酒樓伎館皆歌之載古杭雜記花深深海棠開後詞中語也琵琶唐人多作仄音讀

酒市茶寮總看場金風亭子入春涼俊游改作烏篷小蔡十

郎橋低不妨晏殊類要嘉興縣有金風亭蔡十郎橋載至元嘉禾志

落花三月葬西施寂寞城隅范蠡祠水底盡傳螺五色湖邊

空挂網千絲城西南金銘寺有范蠡祠舊并塑西子像湖中產螺皆五色

蘇小墓前秋草平蘇小墓上秋瓜生同心綰結不知處日暮

野塘空水聲唐徐鉉嘉興逢寒食詩惟有縣前蘇小墓王禹偁詩縣前蘇小有荒墳今縣南有賢倡巷

風檣水檻盡飛花一曲春波嫩豔斜北斗闌干郎記取七星

橋下是兒家春波七星二橋名

天星湖口好花枝便過三春采未遲蝴蝶雙飛如可遂教郎

梅里詩聲 卷十三 五

乞夢冷仙祠天星湖在嘉興縣治東湖北有協律郎冷謙祠禱夢者有奇驗

江樓人日酒初濃一一紅妝水面逢不待上元燈火夜徐王

廟下鼓蓼蓼徐王廟在府城東北每歲人日穀日擊舟擊鼓士女往觀

河頭時有浣衣人處處春流漾白蘋橋下輕舟來往疾南經

娛老北躡賓娛老橋在城南躡賓賓橋在府治西

芳草城隅綠映衫鳳池坊北好抽帆徐恬舊宅芹泥煖過雨

斜陽燕子銜鳳池坊婁機故宅今郡學之前徐恬宅見陸廣微吳地記

秋涇極望水平隄歷歷杉青古開西夜半嘔啞柔櫓撥亭前

燈火落帆齊秋涇橋在城北杉青開名落帆亭名

屋上鳩鳴穀雨開橫塘游女蕩舟回桃花落後鷺齊浴竹筍

抽時燕便來橫塘在城東俗名箭之早者曰燕來

漏澤寺西估客多樓前官道後官河正值喧闐日中市楊花

小伎抱箏過

吳船女郎入市
唱曲號唱楊花

五月新絲滿市

屢縲車鳴徹斗門邊
沿流直下羔羊堰雙檣

迎來販客船

羔羊堰在石門縣
斗門在石門北

魚梁沙淺鷺爭淘處處村田響桔槔
一夜城西若水下酒船

直並小樓高

九里橋西落照街櫻桃初熟鳥爭鷓
須知美酒烏程到遙見

新勝一片帆

宋曾魯公監秀州新
勝酒稅今作新城誤

馬場漁散綫沙汀宿雨初消樹更青
最好南園叢桂發畫檣

長泊煮茶亭

彭湖一名馬場湖宋潘師旦以南塢漁散水十
一處會於春波門外建會景亭南園余叔宜春

令別業有桂樹四本高俱五丈蘇子瞻煮茶亭在水北

青粉牆低望裏遙紅泥亭子柳千條
郎舟但逐東流水西麗

橋來北麗橋

梅里詩輯

卷十三

三

伍胥山頭花滿林石佛寺下水深深
妾似胥山長在眼郎如

石佛本無心

胥山在城東十八里石佛寺唐刹

花船新造水無央曉發當湖泝漢塘
聽盡鐘聲十八里平林

小市入新坊

丹里東爲漢魏二塘德藏寺鐘初成工戒以勿
擊俟行百里擊之工行至新坊十八里遽擊之

由是不能達
聞載括異志

蒲山草與薺山齊
澈浦潮來乍浦西
白沃廟南看白馬巫言

風雨夜長嘶

蒲山菜薺山俱在平湖白沃廟祀漢史君

綠烟初洗冠華秋
片片魚雲靜不流
山月池邊看未足移船

買酒弄珠樓

山月池在平湖德藏寺城東有弄珠樓

鸚鵡湖流碧幾灣
白龍湫水落陳山遊
人秦小娘祠過社鼓

聲邊醉酒還

鸚鵡湖卽柘湖陳山上有白龍湫見括異志秦小娘晉時人祠在平湖縣東南二十里

阿儂家住秦溪頭
日長愛權橫湖舟
霑雲寺東花已放義婦

堰南春可遊橫湖霏雲寺俱在半邇東義婦堰漢許昇妻呂榮冢死黃巾之難糜府君斂錢葬之今譌爲呂冢

巫子峯晴返景開傳聞秦女葬山隈閒聽野老沙中語曾有

毛民海上來樂資九州志鹽官縣有秦駐山始皇逕此美人死葬於山下山之東海口有巫子山水經注光

熙元年有毛民三人集於縣蓋汎於風也

橫浦東連白塔雲下方鐘鼓落潮聞結成海氣樓相似煮就

吳鹽雪不分白塔山在海中鹽官亦有鹽市

勸郎莫飲黃支犀勸郎莫聽花冠雞聞琴橋東海上烏夜

村邊烏未曉聞琴橋在海鹽城東烏夜村何準宅舊址

鷹窠絕頂海風晴烏兔秋殘夜並生鐵鎖石塘三百里驚濤

鬪盡寄奴城鷹窠頂在澈浦山椒每十月朔日月並出海中晉安帝隆安五年孫恩犯海鹽劉裕拒之築城

於海鹽故治

梅里詩輯卷十三

三

招寶塘傾水淺深會骸山古冢銷沉都緣世上錢神貴地下

劉伶改姓名招寶塘在海鹽西南九州要記古有金牛入山阜伯通兄弟鑿山取牛山崩二人同死穴中因

日會骸山郡有劉伶墓土入避錢鏐諱改呼金伶墓

曲律崑山最後時海鹽高調教坊知至今十棒元宵鼓絕倒

梨園弟子師

春絹秋羅軟勝絲折枝花小樣爭傳舟移濮九娘橋宿夜半

鳴梭攪客眠濮院元濮樂間所居濮九娘橋在焉

郎牽百丈上官塘客倚篷窗晚飯香黃口近前休賣眼船頭

已入語兒鄉

輕船三板過南亭蠶女提籠兩岸經曲罷殘陽人不見陰陰

桑柘石門青崇德古南亭石門春秋時吳壘石以拒越

走馬岡長夕照中塘連沙渚路西東不知吳會誰分地坐遍

菜黃一色紅走馬岡在石門永新鄉地有官窯相傳吳越分

見太平御覽吳菜黃禾郡土產

移家只合璧川居釀就新漿雪不如留客最憐鄉味好屠墳

秋鳥馬嘯魚閩人卓成大元末僑居璧川馬嘯城殆

郎家湖北妾湖南兩漿緣流路舊諳卻似釣鼈磯畔鷺往來

涼月影粲粲釣鼈磯在南湖中

野王臺廢只空墩翁子墳荒有墓門舍宅尚傳裴相國移家

會住趙王孫白蓮寺隔水有顧野王讀書臺址朱買臣墓在

也居廣丹里街北真如寺相傳裴休宅趙王孫謂孟堅

秋晚東林落木疎白蓮僧寺水中居昏鐘不隔漁莊火古殿

猶存日本書北寺壁有日本國人題名二處

斬王戰艦已無蹤妻相高墳啟舊封曾見朋游南渡日北山

海里詩輯卷十三

堂外九株松聯東三十里一冢甚高傳是婁機墓中有石室

仲圭舊里足淹徊曲徑橫橋一水隈小榭春風誰酌酒佛香

長和墓門梅吳鎮墓在嘉善

懷蘇亭子草成蹊六鶴空堂舊蹟迷惟有清香樓上月夜深

長照子城西懷蘇亭在府治六鶴堂宋知州鄧根建府廡有

為子清香樓見異聞總錄子城截間窗括異志今日

牆脚

人說小長蘆宋坡湖卽賁湖吳郡記海濱廣斥鹽田相望

桑邊禾黍水重圍時有秋蟲上客衣三過堂東開夕照滿村

黃葉一僧歸三過堂蘇子瞻遺跡

百花莊口水云沅中是吾家太傅墳當暑黃鸝鳴灌木經冬

紅葉映斜曛百花莊在城北十五里

先文恪公賜坐在此

鴨嘴小船淺水通
荻花門巷蕭蕭風
荆南豫北鬪新釀
不比吾鄉清若空

清若空亦秀州酒各見武林遺事

秋水尋常沒釣磯
秋林隨意做柴扉
八月田中黃雀啣九月盤中黃雀肥

黃雀味甚腴產陶莊馬壠

江市魚同海市鮮
南湖凌勝北湖偏
四更枕上歌聲起
泊遍冬瓜堰外船

唐張祜曾領嘉興冬瓜堰稅

妾家城南望虎墩
郎家城北白牛村
白牛不見郎騎至
望虎何由過郭門

陳舜俞居秀州嘗跨白牛往來自號白牛居士

百步橋南解纜初
香醪五木隔年儲
不須合路尋魚鮓
但向分湖問蟹胥

去郡城東北三里有百步橋馬永卿嬾真子蘇秀道中有地名五木出佳酒陸游日記合路賣鮓者甚重一統志分湖產蟹

石尤風急駐蘇灣
逢著鄰船取橘還
祇道夜過平望驛
不知梅里詩郵

卷十三

朝發洞庭山
蘇灣近吳江境上陳舜俞墓在焉

父老禾興舊館前
香杭孰後話豐年
樓頭沽酒樓外泊
半是江淮販米船

望雲門北舊有禾興館唐李幹嘉興屯田政績記嘉禾一穰江淮為之康嘉禾一歉江淮為之儉

茅屋東谿興可乘
竹籬隨意挂魚罾
三冬雪壓千年樹
四月花繁百尺藤

東谿從叔子蓉別業

舍南舍北遶春流
花外初鶯轉未休
畢竟林塘輪奐里
愛攜賓客醉山樓

山樓從叔子葆所居四方賓客至者必集於此

谿上梅花舍後開
市南新酒酸新醅
尋山近有爰基宅
看雪遙登顧况臺

余近移家長水之梅谿爰山在其西橫山在其南皆可望見顧况讀書臺在橫山頂

歸人萬里望丘為
白酒黃壺瓠作厄
來往權歌無不可
西溪東柳任吾之

丘為郡人王維送之詩云五湖三畝宅萬里一歸人里中黃元吉治錫為壺極精飯近日鄉人多用匏樽西溪在府城西三里鮑恂所居東柳在平湖

檻邊花外盡重湖到處杯觴興不孤安得家家尋畫手谿堂
遍寫讀書圖 黃子久有由 拳讀書圖

又八首

楊柳灣頭徧綠楊少年射鴨竹弓張翻身欲彈雲中鷓鷯起
慈鷓噪滿倉

超山楊梅似蜜甜徐園青李核何纖攜來取酒但轟飲一醉
渾忘夏日炎

歌臺轟處酒旗招五里螺潭入望遙安得張涇河上下一時
都起跨塘橋

穀皮素紙產由拳不數成都十樣牋題取相思八行字好憑
蒼鴈寄天邊

婀娜風帆縱所如弄珠樓上晚晴初鵝兒載去新豐酒馬頰
梅里詩輯 卷十三

攜來乍浦魚

清江詩筆足波瀾老去西溪不愛官更有捐軀程異隱文章
節義一時難

吳公殉節在京師冢宰家居城破時行客可經堂外過國傷
風雨颯淒其

都官詩卷歷時流渭老歌詞調更邁文采百年傳後進畫圖
十老小瀛洲

朱檢討生長貴胄稟承家學遭際亂離絕意進取停得
從容曠典撰述富有著有經義考三百卷曰下舊聞四
十二卷明詩綜一百卷詞綜二十四卷兩淮鹽筴書二
十卷曝書亭集八十卷曝書亭著錄八卷美合集六卷
瀛洲道古錄禾鉞兩種雖未卒業盡知名絮舉揚博學
年已五十餘辛酉典試江南所放卷盡知名絮舉揚博學
山供奉南書房賜研經博物區額戊子己丑連年
水旱吾鄉饑民塞道先生創始為粥以食饑者日活數
萬人至今人稱道之沈萊畦云先生少孤苦伯父桂陽
守延師鶴洲草堂招與俱鍵戶課誦日記緊選李杜詩

梅里詩輯卷第十四

里人許燦衡紫編

李良年

良年初名法遠更名兆潢字武曾上舍寅次子嘉興縣學生康熙己未徵試博學鴻辭放歸有秋錦山房

集

詩話徵君得天地之清氣化唐宋之吟哇獨往獨來於名士如林之日昔人謂胸中有萬卷書筆下無一點塵以稱徵君洵可無媿同時為宋詩者商邱宋漫堂長洲汪鈍翁皆是名家未足並駕也鈍翁及沛縣閻古古於學問文章心目間豈有千古而皆心折徵君穎人蘇懋存至謂彙阮亭愚山蒲庵之長於一人讀其集比之忽遇天風吹入瑤宮闔苑傾倒一至於此是時登鴻博之選者五十八人乃三十年來或不能舉其姓字而負才不遇如秋錦蓮洋其名益著未為不幸

晚行望卞山書懷

梅里詩輯

卷十四

一

步出城東門不憚道路賒天桃與郁李寒食各已華南經孺子廟蕙草被寒沙彼美世所稀逝者一何多我有瓊琚佩流光絕纖瑕誰為同心人惠我以木瓜延芳不可埃憮然嗟歲華

卞山何青青浮雲忽來踰造化有舒卷達人辨斯須彈我膝上琴山水聊相娛聽者盈林間誰解解官商殊灼灼辛巨花阿儼當城隅迴轅以相從中道增踟躕生芻不盈束何以飯白駒

坐客舍遣懷

我有一心人容顏若翡翠經時不相見迢迢隔江埃江梅颯以標欲折何堪寄紅舷多夕陽坐惜流光逝援琴不成聲滄波渺無際

美人所居樓垂楊映窗戶游子無春衣親爲裁紵素三月征馬嘶愁予卽長路楊花如惜別漫天作飛絮飛絮返春池歸人應有時爲憐刀尺苦不遣素衣緇

南有臙脂井北有玉鉤斜陳隋已千載行人爲咨嗟咨嗟復何益傾城難再得昨日萬桃花落紅深一尺容顏且暮移何暇悲陳跡青樓盛名倡姣好被香澤沈檀爲方牀紫烟生瑤席我無十斛珠爲權豈終極人生貴快意聊以娛朝夕

華陀青黏散藍田碧玉環糜之以爲羹駐我好容顏入世苦倍側何爲求長年劉安有遺訣得之乃昇天天上何所有雷車而雲駟嫣然惟玉女磬折羅仙班主領各有司誤者謫與遷上界亦擾擾未見殊人間所以方丈洲羣真自迴旋不死亦不昇萬耦耕芝田無由問方朔欲往迷雲烟

梅里詩輯

卷十四

二

居庸

軍都何率律天作神京背設險開雄關于此劃燕代依稀百雉走偏仄兩崖對高度浮雲遲低飛淫鳥礙踐更戒南口邏卒守陰晦我來及朱夏孟月哉生朏初綠不滿巖谿達見邊塞衆峯鬱神駿奔突勢可愛守信一夫足騎怯比行隘如何十萬師寇至倉卒潰羽林遮道迎貂蟬後車載擾擾黃巾烽百里燒積霽衰盛如轉轂接眼但畊耒炎暉照蒼茫獨立發遙慨流鶯語幽谷如聞說興廢恃險非良謀鎖鑰慎此輩

酬別華陰王山史關中天生兒

我有數尺畫長洲文點作老屋三重茅清渠妙疏瀹隔浦駐漁舟垂陽蔽山郭中有抱甕子蕭然守畊鑿長鏡挂青蓑紅藤倚芒屨俯仰川巖間置身殊不惡觀者訝似予賤子笑且

諸高堂倚間人齒髮漸衰落壯年恥無成食力分所託數載
容殊方飄若風轉籜春陽忽滿眼雛鶯上簷角閒來展此圖
恐負平生約故人三秦彥清風九霄鶴覽圖各枉句相期在
巖壑江湖淥無限苦竹青如昨田園雖荒蕪猶能供藜藿努
力副高言明當去京雒

河泐山

朗州山水區夢想自夙昔今朝落吾眼曠望展胸臆始見千
芙蓉蒼翠遙可摘少焉衆山盡一峯儼當側攀陟性所耽高
舉輕兩腋風吹萬青松苔繡古白石衣從女蘿挂腕就仙井
滌蟬蛻訪遺跡雲深邈難卽坐看武谿源涓涓瀉輕碧勝攬
不在遠塵鞅何當息翻笑征南人曾此愴橫笛

九嶺

梅里詩輯

卷十四

三

昨者暑氣清嵐瘴喜初散幕府有程期鳴銜戒宵半殘月不
到地松梢耿河漢冥冥列炬移灼灼螢火亂空山悟無始靜
理閱昏旦九嶺爭一隅徑窄中每斷我行尙層岡我僕復深
澗浮生付飄忽肩腋楚人慣不墜偶然事履危豈無嘆轉苦
東日遲坐待火雲爛稍稍荆扉啟人語出沙畔前路方迢遙
平明且須飯

馬鞍山值大風雨是日同行皆先度

夏雲不出谷濛濛晚來聚急電走山根散作千林澍絕頂挂
飛瀑下濺百草仆我來及馬鞍側足敢徑度窈冥豹虎蹤咫尺
蛟龍怒僕御喜新涼肩輿乘溼去衆山向背殊風景變朝
暮前峯雨不到月出青楓樹悵望同行先我宿何處平生
愛幽賞未敢悔行路

秘魔崖

山行及朝暉烟銷翠屏斂空林鐘始鳴禪剎燈猶閃屋頂出
層崖山僧解指點石門淨如拭莎徑緣於染嚙嚙鳥遷樹冷
冷泉出險二龍渺何處石碑有二龍化青衣事廢碣莓苔掩獨愛數小
松百歲閱荏苒雖未干雲霄蒼然秀春崦靜觀了可悟浮生
當自檢及此滌塵心且憩松間簞

樵澗村

卯金祥中衰倒置失冠履執戟獻美新平陵殺義士綱常留
一綫汝南得孝子采采桑間實長跼當菽水承歡鋒鏑中全
軀良有以流徽照東京一洗風俗美千秋樵澗村何謝遺羹
里孝子祠與穎考叔故里相接我亦眷晨昏行役不遑已揮手別荒祠回
看白雲起

梅里詩輯

卷十四

四

貴陽山中雜興

衆峯如湧潮孤城若小艇客居倚青峭佳處要須領朝靄淡
益秀流泉響逾靜屋頂得初霽階前落山影塵心夙所祛百
事浮雲等惟應讀我書銷此佳日永

山谷多晚陰斷崖橫瘦樹闌風江上來冷然脆巾屨青藤不
須攜前岡延旅竚遠疇引晴綠勢與谿山互帕女汲泉歸墟
童荷鋤去苗俗古難馴時平亦有務丹砂白鑿間我轍當少
住

有水復有山豈云非佳勝昨來橋上眠臨流俯涓覩玉峽東
江腰紅欄竹間映山馨落不少一夜沒樵徑忽破水禽棲僧
坊數聲磬

楚南雖僻壤山甘亦時有勻圓訝未齊市販穿城久枇杷吳

廝養來禽齊下走玉井笑沉瓜水盤嗤雪藕詎以瘠產殊所
累給升斗高齋青紫繁吾當及時剖

經年謝櫛髮累月罷整冠地偏好事稀了不妨清閒翠尾掠
檐隙粉眉唬樹間幽芳不知名落英點苔斑我本嗜泉石愛
此殊人寰舉眼見雲壑支枕羅烟巒誰能揚粉本他日畫中
看

自鎮遠發

十日愛山行三朝息徒御顧此風色佳安得久淹住乘船越
飛虹石角儼螭踞數折遂飄忽荒城背人去巉岳東四面前
洋莽烟霧蕩槩信清流境盡始識路巒疆劃天險千峯水東
注碧玉湛中央盡此舟楫趣俄然灘就卑駛絕不可肩岸齒
鬪銛鏗破碎劇抵悟偉哉篙師力一罈驚屢赴閃若珠走盤
梅里詩輯 卷十四

五

如宜脫狡兔合眼失焦谿烟巒竟非故臨深古所戒況與風
濤遇寸心無五嶽于此免憂懼

別吳天章

大海本無瀾天風使之怒千帆爭一逞中有覆舟慮海鶴何
翩然不喜亦不懼嗟人不如鳥吾欲舍之去磊落寓浮湛雲
也得其趣悠悠彼何如但賞子詩句

揮手名利場笑謝紉袴子我南而君北感愴何能已空青中
條山淨淥五湖水各有白頭親安得去鄉里攜鉏帶殘經下
酒讀佳史此樂可長年時流以爲恥

古人不可作今人復非古躑躅風塵中擇取亦何取滔滔者
皆是爲儒獨辛苦學仙學佛間吾處得其所子歸養天和萬
事力須努聚散等浮雲母令後期沮

九友詩

天末寡諸追念疇昔的燭作詩燭盡數之得九章未竟吾友也

暨子學韓歐千縑如一織標楠出井里寸心味所得矯矯白

田生嗜古別朱墨文有粟菽味拙目了不識江表王

載筆謝生產御車兩書備叩門析疑義毫髮必見攻舉世便

所習嗟子獨匆匆昨者日知錄寄我楚南峯崑山顧炎武

十五冠切雲二十縮僧紵三十著初服屠釣與游處灑墨嶽

蓮上載婦將軍府色取聖所尤狂士乃吾與番禺無其感文亦

陳生獵齊梁春葩富駢偶腕追庾蘭成心折李延壽吾家伯

與季睥睨無敵手何時掃案板壁上觀擊培陽羨陳其年維崧

蕊仁縮酒夜海棠照春卮灌園狂佳詠換我鶴亭詩君書掣

霜鷓勢挾剡藤飛我書鴉歷亂至今愁見噓華陰王山史宏撰

鐵石在眉宇此老重然諾小技涉丹青韻語亦蕭泊聞君有

梅里詩輯 卷十四

六

令弟未婚歷五嶽此事古人無豈獨向平作愚陽戴務本孝

空同詩學杜爲文擬兩漢君愛鄉耆舊一讀浩三歎墳史別

真僞開口如決埠近客武昌城兀首感聚散關中家天生因篤

相國之諸孫黠也在空谷巖翠落破牖妻子護花竹作畫守

家法不博市上粟長言結鄰近耦畊吾願足長洲文與也黠

掉臂長安游晚乃得潘子論詩朱徐間老健獨無比返友赤

橋樞高義激人齒立身憂患餘腸熱固其理吳江潘次耕未

述懷

賢士古忘勢此道今誰能問君何不忘有援斯可登世無松

柏姿將身作秋藤仁義而懷刺閨人色如水路逢輦金兒笑

汝遠擔登明明求財利時尙慳莫懲揮鋤管幼安脫粟公孫

宏或謂二子矯遺芬史同稱固哉食壤蚓猶賢止臚蠅悠悠

哆口實騶叟貶於陵

名山誰可藏國門誰可懸羣言紛滿家無由辨媼妍當日子
雲書富人齎萬錢司空強解事尙疑身後傳信父賦三都十
稔意何專需之以覆瓿謔語聞雲間毀譽或失真相輕自古
然嗟予學固陋弄筆舞勺年逮躡文酒傷四海多隨肩所恥
在雷同自命誠淺淺晚始謝時輩束心歸曩編先民良起予
論世知才賢味道有餘樂春華當棄捐

同心復同車脂牽守一轍笑語隨雲霞容顏若冰雪選涂戒
泥滓取徑必芳潔千騎何方來烟霧蔽城闕仰視目已移試
炙手可熱卿相立談耳何能恥千謁長揖回車人匆匆轅下
別

感發五更息初暄射茅屋映窗紅稍稍欹枕睡已足家人起

梅里詩龔

卷十四

七

不遲絮語隔簾竹山妻椎髻罷餉我杯在尋小婢解裝綿稚
子行曬穀歲闌百務緊買閒須遣俗舩艇詣監倉辦此歲輸
斛帘間算酒債鉢底施僧粟吾事旣贏了禮節謝往復曝背
把書卷墜戶停杼軸茲樂往年曾衰晚肯馳逐永懷幽風趣
心與古農續

贈耿百泉主政

君家甲第開聊攝軒冕清華垂累葉異代風流半已徂傳家
文物猶相接武熹之朝闔炤張天門虎豹羅重閭義陽再蝕
太阿倒金甌玉殿成倉皇賢祖丹心山不移慷慨獨上批鱗
詞當年但聞抗疏者滿朝簪笏爭相噉瑾也徒知憎直臣公
論上有千秋期中丞嚴君亦繼武吮舐紛紛笑公輔不能長
楫向淫祠自甘三木同楊左首下尻高亦枉然西川豪傑今

還數三百年間大業存長從竹帛紀清門漢廷不解留陳寶
唐季偏知護霍孫天涯有客來春暮握手逢君不能去平陵
歌罷急難篇牆東隱就屠沽處客舍經時屬比鄰莫論往事
轉傷神徘徊故額高堂上清白詒謀信可珍

君家所居堂有
文文肅公大書

清白
字

贈王阮亭容部兼以留別

天寶以還盛吟咏紛紛中晚猶批糠宋元之際風調改好手
歷歷殊宮商明初數子誰最雄青田海叟筆力蒼同時推正
始倚角唯高張百餘年間生四傑力挽元氣臻三唐後來繼
之王與薛皇甫叔仲差相望大尊晚負起衰意黍離歌罷嗟
詩亡自餘文人半巖藪坐使一時光燄藏掄揚聖代數公出
朱絃清廟何洋洋瑯琊二難才最健後先起草尙書郎雲津

梅里詩輯

卷十四

八

神龍不獨躍齋宮鸞鷲元雙翔可動雅得碧山趣拂衣長嘯
焚銀章頃遇淮南奏佳什廣陵驛前蕙草香夫子風流世所
稀妙年著述雄詞場竭來傳寫春官門長安紙貴如琳瑯野
夫亦是行吟客欲以滄父求班揚三春杖策過燕市車如雞
棲塞路傷平生不解事于謁便欲鳴鞭辭帝鄉關門改候不
作暖邊風颯颯吹征裳白羊金鳳久蕭瑟鐵笛霜笳橫夕陽
年過三十不稱志山川一望增悲涼致身青雲真可羨看君
握管侍明光古來文章關氣運應須達者揚芬芳度遼高眠
爲誰起蔡邕倒屣非尋常懷中半刺沉淪久試與經過作者
堂

朱碧山銀鑿落歌呈孫少宰退翁朱十倡

退翁齋中花底酌當筵示我銀鑿落摩挲坐上一再看知是

吾鄉碧山作至元月日鑄彎環古紋半蝕青苔班槎枒颯颯
勢欲飛宛若放舸滄溟間橫眠有客凌風渡點綴衣裾逼生
趣玉缸眞擬瀉明河爲送張騫月支去雕鏤無跡把玲瓏不
解杯腹何由空鷗鷁琥珀皆不數夜光金屈難爲工主人更
勸勿揮手舊事流傳猶在口元家學士數臨川秘閣相將此
爲壽引杯謝客容賦詩文采翩然動僚友亂離以來嗟失一
往時作雙今不偶嘆息人間四百春斜陽細雨漉殘巾梨花
絕勝蒲萄釀傲爾乘查海上人

題幸蜀圖

掩塵黃帕哀琵琶延秋門上烏啞啞侍臣趨朝漏未息豈知
輦道吹秦沙蛾眉絕影清渭水太子始控飛龍駟手揮紅甘
祀香魄尙有生荔來天涯三銀船本少年事臣偶進酒君王

梅里詩輯

卷十四

九

嗟倚毫寫此圖者誰伯駒好手今猶誇山根潺湲碧無底閣
道蛭屈梯穿霞法仗細瑣不暇整從官觸熱歎烏紗就中緩
轡意態殊三郎捉鞭非翠華金盆皇孫不可認疑是羽葆風
迴遮官人軍裝或雁次或稍前卻載以車明馳夾道臥石罅
奚奴避日攀槎枒長鞦短鞚挂一髮高者螳附低旋蝸此皆
左轉印風字尾側赭汗流三花不使蹴踏漁陽兒首俛耳帖
何爲耶峽畊無人畝田綠懸流淙淙水滿畝薄雲千里帶村
角忽轉細徑疎籬斜似聞子規響深壑何有雪羽相籠篋白
頭父老出不意親見萬乘臨山家當年馳驛寫嘉陵化爲飛
盧隨黃麻蜀山嵌空說王宰詎有眞蹟留涪巴卽今皴染漸
剝落松煤不復濃于鴉昔人畫此意有託眼明且愛烟巒賒
黔南開府擅珍賞更束縹帶緘紅牙

雪灘釣叟歌爲顧丈茂倫作

葦間延綠吾所師尋陽棹者非凡姿雪灘釣叟豈其亞姓名
早被時人知先生舊不事生產讀書樹根破萬卷土墮荒涼
藝花竹鄰里驚呼車轍滿此門一杜何當開笑指笠澤浮吾
杯連峯如銀七十二要看雪盡春風來絲挂珊瑚不設餌命
寫斯圖聊戲耳網鯁撈蝦瑣瑣人公若逃名勿圖此君不見
占星夢獵聲名馳照耀史冊千年垂樵青漁童載兩頭詔遣
下取新歌詞筆牀茶竈往來熟故人又欲官天隨從來此事
遭物色黃金尺書來有時長安已築招隱館肯放此老津梁
疲武陵桃花今不迷休歌河水清漣兮縱不相逢賈太尉定
應愁載康安西

感禽作

梅里詩輯

卷十四

十

女牀丹穴千霜闕吁嗟神鳥不復至天長地闊海山寬飲啄
尋常滿塵世高林日出羣飛翻物各有營何足異鴉能可愁
鶻司喜喜不汝賞愁汝避畫眉解學應時妝錦雞無文亂丹
翠綠么倒挂竊佳名鸚鵡工辭得人意但蒙珍惜便樊籠不
少香甘落厨膾下田黃爵自紛紜得粟鷓鴣爭瑣細溪邊網
去塢銜魚渡口浙殘鳧喋蜜有觀祇慮弋者暮後掩或恐兒
童伺金眸玉爪爾何爲罔顧推傷及同類盤風振翅隨所觸
斯須毛血灑平地自甘身作韉上養搏擊酬人難數計鷓鴣
苦語莫相猜鴉鳩頻催歸去來鳥路之險險如此山梁雌雉
眞時哉滿村戴勝喚桑婦到處布穀嗔污萊人生何似食力
好二禽解事使我顏爲開安得花間閒聽日午迴汝嘯一聲
我一杯

蝸廬小樓篇

蝸廬者明御史樂安成公所居樓其名公自題也公
三仕司李以治行第一聞爲良吏擢御史會武陵相
奪情公力諫被逮爲直臣甲申隱崑崙久之歸樂安
築小樓終老爲完人嗚呼殆古所謂懷忠履義以沒
齒者耶康熙戊申予來京師今御史愚崑崙先生卽公
之賢裔述其先德以告鄉大夫及應詔之士皆爲
詩以紀良季曰蝸廬者公所終也至是而公一生進
退之義畢矣作蝸廬小樓篇

蝸廬小樓在何鄉國表東海風泱泱廊有苗裔家其侑挺生
哲人爲鸞鳳早年釋褐趨明光出司郡獻珥辟藏坐清緒墨
消桁揚大吏曰茲允且詳召對筆札給尙方天顏一笑羣稱
良然藜密室公所當忌者抑之南曹卽是時衆正方頡頑平
臺侍立交掄揚惠文柱後生清霜政批民瘼日抗章武陵事
類江陵張墨綬師保淪網常手批逆鱗爭廟廊詔逮請室無
徇徨同時諫者劉倪黃四君子聲薄雲間一朝國步成倉皇
梅里詩輯 卷十四 十一

東身遠走崑崙陽行歌採蕨非佯狂俟河之清敢沉湘但輕
一出願則妨歲題甲子留縹緲十年迴車葦茆堂鶴悲城郭
燕歸梁後凋扶疎壓羣芳小樓坐臥一瓣香追蹤五柳願始
償騎箕去後星垂芒行人過此嗟未央雲門百尺巉青蒼白
石齒齒鳴康浪茲樓與之永相望梁木可壞徑可荒公名卓
犖垂無疆

道場山同吳虎文

不識何峯路同攀上界藤竹深留古剎花底揖歸僧月傍今
宵滿山宜我輩登倚欄松柏外一眺盡吳興

西湖呈陸冰脩表叔

西冷新月好挈榼共登壚水榭如遙去風燈忽有無鬢香聞
遠蝶花氣合重湖寄語丹青手人今在畫圖

餘杭縣

壓樹雲初合迴船雨故斜郭門涼遠翠漁火亂圓沙避繁雙
鷗鳥當篷一酒家溪流直如練香殺白蘋花

岔道

晚色催車馬烟沙此地分長鞭來鬪帳隔袖落黃雲筇吹三
關息鴻聲四月聞旗臺東去路曾接大甯軍
上都元肘腋二界劃金湯磧草東西綠邊榆日夕黃譙鐙聞
鐵笛獵燒走烏羊野店禁愁思風吹桐乳香

送諸駿男入蜀

酒罷愁將別迢迢萬里程一鞭垂鳥道三峽繞猿聲地豈尋
常險君爲慷慨行相如妙詞賦到日想逢迎

益部銷兵久風人攬勝年江流玉壘外春在酒壚邊杜宇嗁

梅里詩輯

卷十四

七

難息巴童曲可憐望鄉應有句數寄浣花箋

懷顧炎武處士

藏書滿天下之子獨間關襍被穿雲往殘碑搨險還羊腸疑
漢史鳥跡辨嵩山嘆息草元者棲棲蓬戶間

襄陽

舊憶襄陽好今知楚權輕暮潮將暑去新月隔江生菰淡雙
洲色鷗閒萬里情青山蚤相待先擬習池行

峴南多勝蹟風景未全荒麥稔新農畔花開舊戰場歲時江

上酒人物郭西坊

郡治石坊勒古
今名賢姓氏

懷古關幽興垂鞭恨夕陽

魚酒村村得瓶榼晝可攜槎頭圓截水帘影直垂隈江關遲
雲過林疎出鳥嗁游人新有曲不唱白銅鞮

楚蜀天相接襄樊水共流由來雄節鎮于此控咽喉有樹皆

藏屋無簾不上鉤異時戎馬地生聚幾春秋

蓼園族祖約過吳西山園齋看早梅示諸同游

約伴探香雪新晴未肯閒籍成猶竹底主客換花間園居昔為吾從

高會別業穉蝶窺紅萼珍禽坐玉顏童年攀折處疎影認殘山

初夏過友人書屋

閒居無好客幽意與誰論憶子讀書處來尋花下門芹香巢燕侯柘影浴蠶邨不覺淹清暇斜陽到竹根

明景泰帝廢陵二十韻

紫塞蒙塵日金輿返轡難乾坤憂不細宗社喜重安繼體元

隆準神州卽舊觀維皇追始禍旋詔族中官耆定非無補丹

青故不刊北庭烽乍息南內月仍寒但使天親敘休慚聖德

完都人歌棣萼宸慮失猗蘭曹石謀何遠宮庭慘不歡升遐

梅里詩輯卷十四

十三

方撤几復辟已鳴鑾興廢當年事園陵異代看隧殊天壽飾

山向梓宮殘黯淡蒼梧照淒涼玉露團竹猶嘯夜雨陵右卽宮人葬

處櫻絕薦春盤鳧雁沙長沒蛟螭篋尙蟠樵蘇來寢殿野老

拜衣冠白日罕恩宥朱扉鎖鑰寬空濛流宿霧鳴咽走驚湍

墜楠鼓黃瓦荒榛覆綺欄豐碑還在日拂拭感無端

拜方正學先生祠四十韻

絕學吾鄉重孤忠異代存丰姿留想像瞻拜肅蘋蘩憶昔迴

天步災躔切帝閭金甌成倉卒玉葉久翩反冊府盟何補宗

城壞有源狃糠誠左計寒齒及雄藩議惜移封寢謀同築舍

煩漁陽師剽銳上國羽飛鸞江左懿親睦師中叔父尊絳侯

馳壁壘東越走連蹇嘆息樓船誤憑陵突騎喧浮雲深建業

官雨溼朝元鎖嚙江腰斷沙銜地肺昏控弦江總宅吹角謝

公墩馬飲重湖隘烽投八水渾高飛愁燕子間道失龍孫勸
進紛天策謳吟到朔轅袈裟終在野衰絰豈酬恩詔紙層霄
碎綱常一字論漂零輕十族慷慨望千門碧血疑霑灑丹心
激弟昆燕封虛餌蠋鄉夢不歸溫佳氣鍾山換新麾幕府翻
冠裳猶未忝刀鋸更何言尙想紛紛射當時下殿奔不成悲
鮑永詎敢哭陳蕃士有平陵義文招屈子魂黃蒿歌偈仄白
日步煩寬蒲帽三山市與尸百草根長時深窳露何地翦春
旛密網蠲中葉新祠起斷原都人還俎豆遂道幾涼暄故友
嗟鄰近東並景公祠餘輝照隔垣松移荒木末祠舊在木末亭階側今徙而北矣
淨長蘭蓀仰止從遺史經過感舊村更看金作鑄重假石爲
蹲歷歷桑田改紛紛赤羽屯碑珉承鼠羸客淚落瓠獲莠羌管
悽神曲吳羹薦瓦盆江花墓門路長對孝陵園

梅里詩輯

卷十四

十四

將之塞上呈汪蒼文農部

出塞將炎月辭家屬早春間關語異地辛苦悵征塵莫訝臨
叩客多慚入洛人築宮虛碣石開閣渺平津少日耽詞藻窮
搜笑等倫瀾期迴砥柱源欲溯江岷寔類三都拙渾忘陋巷
貧端居昧生理雅志在經綸竿瑟違齊好璠璣閱楚珍登臨
諸夙抱攀陟此良辰轅下仍歌鳳臺邊想獲麟黃河流浩淼
泰岱勢嶙峋行路難猶昔干時數益屯含愁非衛玠不樂似
崔駟敢信文堪賣懸知德有鄰句吳才挺出華省筆如神白
璧何論價銀章已致身長卿終侍從方朔豈沈淪貢墨隄糜
貴花箋側理新羣公追正始夫子獨深醇待漏陪青瑣薰香
覲紫宸朝回接風素坐次豁天真兼肯酬支遁還疑類許詢
談空恒壘壘持論轉循循後起看承葢前賢嘆積薪汎舟殊

訪戴投轄幸依遵京國招攜罷關山入望頻更嚴悽感築谷
險怯車輪大漠原趨漢長城直控秦防秋餘壘在避暑故樓
涇雕鸞分屯戍鴛鴦問水濱雕鸞堡鴛鴦泊皆在宣府時平行北顧歲遠
記西巡惜別雖千里睽違只幾旬從軍誰我願草檄久無因
河朔劉松酒江東張翰萼仙郎倘相憶慷慨報情親

飲周五宅時值苦旱坐客頗憂歲事

今夜清尊昨夜沾初筵諧謔間投壺最憐不醒如周顛翻使
離憂對左徒已分山田虛種秫愁聽野老說焚巫憑誰寄問
盧耽井猶似當年解疫無

八達嶺

丹梯直北通榆木拂袖山烟百折登河注黃花銜二口天低
白草見諸陵行人尙憶迴鑾曲磧岸曾移照妓鐙舊蹟荒寒

梅里詩輯卷十四

五

非一概不因六月有堅冰諺云若過八達嶺征衣添一領予過此始驗

宣府

龍沙燕尾承平日北顧頻煩玉輦游尙有羅裳傳樂府翻隨
羌管作邊愁行宮寂寞雙槐樹御氣銷沉舊酒樓正德間中官手植槐
樹並駐蹕酒樓遺址尙存

白馬青絲何限恨徐常功業總荒耶

鎖鑰從來借重臣貂璫本意揖黃巾一時坐失關門險千里
俄催鼓角新日落諸陵誰繫馬客逢三月易傷春中丞祠下
摩蒼碣始信孤忠亦有鄰落句謂中丞朱公諸生姚君也

沅陵縣

蟹舍漁梁夜渺然沅陵如晝月初圓何當笛裏南征調吹向
沙頭北渡船蠻俗至今三楚雜亂山終古一江穿尊前蘭芷
青無限欲弔湘纍何處邊

碧浪湖

長日江村好風景自呼鄰叟放春船亂雲野水白相映細柳
新蒲青可憐晚去星河生客夢舊游臺榭渺寒烟紅妝剩有
當爐者且醉烏程市上眠

安隱寺

浮生幾日駐征帆石路秋容淨客衫下界泉聲自朝暮上方
雲氣滿松杉雨花似引三車語佛火微明七寶函不見乘杯
騎馬客騎馬宋僧
禪惠事漫勞鐘磬響層巖

鶴林寺

層樓春望入江南京口逢僧試一探蓮社卽今飛錫杳牧老
人駐
錫地時
越吳門峰臺終古法雲曇尊前花滿非重九門外松青記十
三米老風流未消歇長懸燈火照伽藍寺以米海
嶽爲伽藍

梅里詩輯

卷十四

六

登觀音閣是隋宮舊址

蕪城舊是傷心地煬帝行宮復渺然剩有花林迷玉勒虛聞
野老拾金鈿雛鶯乳燕渾無賴腐草垂楊絕可憐贏得前溪
二三月年年絲竹繫春船

晚步經白雪樓是李滄溟遺址

九點齊烟入暮春偶經樓畔一傷神百年詞賦還陳迹七子
風流又古人荒徑只聞黃鳥喚壞墻猶帶綠楊新夜臺李白
相逢否咫尺匡山好結鄰

楚南

宵看枉矢墜荆門南極弓刀氣漸昏此日幸逃雲夢縛當時
曾接楚懷孫鸚鵡不放降幡路部曲空悲饗士恩寄語西征
健兒道碧雞金筑尙蜂屯

天留一草堂暇日著書緜几淨晚風吹箔荔陰香佳吟記把
流傳冊已算相逢二十霜

看新漲至橫山

十有二旬河坼底宵添丈水一溪渾了無沙嘴眠鷗處忽見
楓腰繫纜痕野老桑田元近海詩人苗裔尙成村顧況之墅
後居此
來未抵誅茅得日看雙峯翠埽門

懷韓石畊

故人彈瑤琴征帆渺吳會惟見海雲流參差夕陽外

吳興竹枝詞

日出潯南烟水黃小樓如畫酒旗長玉瓶細汲春風起吹入
糟牀滿店香

道場山前白日低倩郎重插瑣金鏡柔櫓淺沙何處泊小姑

梅里詩輯

卷十四

六

新嫁鮑山西

小鳳分行花葉稀吳紗新樣卷晴機爲儂裁作春衫袖舞盡
東風只竝飛

顯山眞作峴亭看移得屏風護酒寒笑取山坳雙白鹿金刀

細劈水精盤

尊前勸客早涼生筍館毬場最繫情樂府南朝零落盡前谿
只有竹枝聲

廣陵

平山堂下積雨收暮天斜日上征裘莫向蕪城還北望寒鴉
棲遍古揚州

青簾幾尺捲迴廊簾外空明綠水長竹底更無人冒索花邊
愛殺打毬場

春街繡轡倚香車
衫袖迴風笑石華
向晚木蘭亭下
別館當
曉過玉鉤斜

垂垂堤柳碧堪攀
故拂妝樓映玉鬟
客裏不知春幾日
江南江北雁飛還

口占送張彥若之晉陽

樽前十日九離歌
轉惜他鄉歲月過
君到汾川相憶否
太行山北雁行多

贈文與也

與也爲待詔公四世孫文肅公孫也

過江詩派君家別
翡翠蘭苕世共傳
今日把杯論往事
卻愁漂泊蘄門天

論文口號

涇渭分明各有區
文人相諶定何如
晉江纔入南豐室
又道梅里詩書

卷十四

九

毘陵得緒餘

青浦移家愛掩扉
遺書晚出爲官微
瑯琊詎是妄庸手
垂老元知少作非

吳僮不解絳雲編
佳句先從綺麗傳
錦瑟香奩各有託
自將新製比當年

坏土從知砥柱難
故裁險句作波瀾
樊家舊體銷亡盡
何事重教註釋看

歐蕪韓易詆碑銘
哆口淵源是六經
記得尙書三語在
請君試擬甲由靈

于一文章在人口
暮年蕭瑟轉欷歔
琵琶一足荒唐甚
留補齊諧志怪書

斗酒千言觀者驚
商邱才思劇縱橫
人間不識侯公子
地下

修文老更成

神龍朱鳳委泥沙翡翠蘭苕且自誇不信文章千古事過江
今有百名家

攜來佳麗乞新詞和者千人汝弗疑卻笑桃根與桃葉王家
迎後不題詩

荆江歌

沙頭風息纜徐牽小簾橫窗客醉眠聞到武林須上馬且拌
十日穩江船

百丈彎環柁晚何上江船比下江多楚女休矜大堤曲巴童
解唱竹枝歌

鄰船杳杳去前堤竹綆新編四破齊同發江干不同宿西陵
更在火雲西

梅里詩輯

卷十四

三

李徵士初姓虞名兆璜海鹽諸生後更今名少與兄繩
遠弟符齊名目為三李繼與朱竹垞游京師朝士爭相
識又以朱李並稱崑山徐乾學開書局於洞庭曾招往
助修一統志平生著錄甚富有三禮解國朝文緯二
書皆未卒業又曹秋岳學海類編目中有徵士詞家辨
證詞林紀事二卷乾隆時桐鄉金氏付梓并附刻尋壑香
草二集孫融識

梅里詩輯卷十四終

梅里詩輯卷第十五

里人許燦衡紫編

顧可緯

可緯字伊藩號獨峯庠生

詩話顧氏吳中著姓讀書臺畔世有文人其遷轉五里者亦連翁苗裔也獨峯詩清穩瀏亮

夜泊新闢

未識藏身計飄零復遠遊風波那可定衣食自須謀路阻遲
鄉夢天寒起客愁何當湖上月照我夜歸舟

懷武康章六象兄弟

避地康城去就遲歸來重葺舊茅茨十年采藥山中夢孤館
懷人雨後詩香扇池蓮初散暑烟深庭樹不分枝章郎兄弟
交情好還憶挑燈共榻時

梅里詩輯卷十五

李生佳

生佳字天穀一字夢白號穀庵歲貢生授松陽縣學

訓導丁外艱服除補新昌訓導

詩話司訓蚤負神童之稱長入景山之社著作罕傳

霽園秋集

召客乘青雀開園俯碧溪花宜金谷賞路異武陵迷梧日搖
簾碎松雲度檻低小辛供饌說來往玉卮攜

天光涵曲沼樹色隱迴岡沙白朱鱗見菰青翠鳥藏窮幽莓
磴滑取蔭苧袍涼已發山中桂尊疊襲晚香

九日過史人肇萃橋別業

疎樹寒烟一水迴籬門只向水邊開譚經客有便便臥扶屐
人誰得得來舊摘黃花還繞屋追歡綠酒罷登臺春令原上

西風急生死論交倍可哀

范京

京字聖遊

詩話聖遊賣藥里門與管谷兄弟交最善其詩俊邁不凡考蘭溪之花始流寓吾里者為松軒名栗再傳為敬軒名時獎貞簡先生父也聖遊于敬軒為兄弟行又有雲仍暮山梅隱姓字雜見諸前輩集中

遊仙詩

迢迢金華山秀色空中起雜嶂開洞天窈窕深不已雲氣紛
濛濛觸石光披靡長松杳無人清聲落心耳山水今依然誰
為赤松子

懷王右存舅氏在都中

朔地風霜早秋來鴻雁多遙憐帝城客踪跡近如何三徑餘
松菊孤亭繞薜蘿陽元今老去惆悵北山阿

梅里詩輯

卷十五

二

送友人還武林

雲樹官亭晚霜花驛路寒故鄉歸去好祇覺別離難

范風仁

風仁字梅隱嘉興人

秋日村居

一川秋色淨蒹葭南浦風多日易斜越客夢隨江上雨山城
月照柳梢鴉糞洲有曲翻漁譜蟹舍無人落藕花新水滿湖
間縱櫂市喧應不到農家

徐允陵

允陵字常建一名簡字長簡又字山傳

詩話長簡操行醇潔與弟允儀長威並能詩我里賣藥者多能詩之士范遵南胡天岫徐長簡三先生最著次則范聖遊夏鼎生陸端毅其後又有周丹扈戴詡庵尤亦夔郭大邦朱王路錢準可李名揚諸君詩

或存或亡不盡傳也他若談黃浮精小兒科著有痘疹誠書盛行于世周古聲精大方脈著有靈素寶要藏于家二書俱可不朽若世其業而有名者范山人敬軒范山人彰遵甫先生之父及子也不以醫名而術精者前則屠文學孚駿後則屠明經永梁也又若楊立三之痘科姚雲生之瘡科亦有時名今則徐鳳輝李道傳楊彥遠並業醫而好吟咏云古聲名笙黃浮名金章

湖上曲

二月烟花滿芳甸風吹弱柳青如綫西子湖邊多酒壚
曷來轟飲高陽徒壚頭少女年十六繡帶湘褰黛眉簇自矜生小善琵琶能唱潯陽江上曲高陽之徒列座豪炎炎氣岸奈爾曹後來亦有青衫客投妾輕執逐細腰相逢邂逅會相訴妾住金陵桃葉渡頻年桃葉與鬢齊惱亂烟花思轉迷問郎酒罷向何處瀟瀟風雨湖頭樹且教今夜住妾家張燈聽妾彈琵琶

梅里詩輯

卷十五

三

西泠題蕭娘酒壚

晴風蕩漾西湖路數里陰陰雜芳樹峯迴飛瀑日光寒徑掩朱樓山色護
榻來寒食乘犢車美人勸客還當壚碧酒香濃琥珀碗冰盤餚出雙鯉魚長眉細畫真奇絕耳後秦珠弄明月暫教醉臥錦瑟侑歸去還愁芳草歇

送別

春山如黛層城隔春思無邊送征客爭看十里集鳴珂弄影驕嘶騁珠勒東風桃李初滿枝花氣衝人醉南陌黃鸝噉罷白日高鶴蓋成陰照祖席君不見隴頭流水聲嗚咽一曲驪歌怨長別他時飛夢到河梁芳草青青正三月

齊文惠太子宮人歌

殘花芳樹落新鶯歌管調春風今夜暖麗曲上雲霄珠屏的

爍開香殿妖姿綽約承華扇芙蓉結隊鬪清揚蠟炬搖光豔
妝面乍是深宮賜宴時貂蟬一一被恩私玉壺更進葡萄酒
天笑溫流向伎師蛾眉宛轉情微定楚楚冠裳迭輝映就中
誰是不勝衣入眼依然沈家令錦袖初翻掩淚頻當年歌舞
夢中身素絲歧路從來感不獨筵前去住人

酬武原彭仲謀見寄

落月情偏繫停雲賦早聞春風南浦外芳草又思君遁世陶
元亮就遊宗少文挂帆如有日卮酒話宵分

過秋槐先生墓

空江秋水落封樹曉雲微生死成長別人琴痛早違青山無
鶴怨白日有烏飛從此西州路羊曇淚滿衣

吳門春日同吳于庭黃硯田諸君賦

梅里詩輯

卷十五

四

春事吳閫早招尋共爾曹淡烟籠水國遲日媚亭臯竹葉匏
尊汎梅花玉笛高土風殊可樂憑眺漫濡毫

送范大賣藥吳門

具區吳苑外七十二峯環理棹從何適懸壺在此間神經懷
夜讀藥圃待秋還若訪諸山勝烟蘿盡可攀

送李分虎之滇中

邨超新入幕王粲遠從軍萬里盤江水千峯貴竹雲清芬從
此隔佳訊早相聞指顧南氛淨重瞻銅柱勛

鳴笳淒水國搗練急江城殘葉疎疎下明河淡淡橫將軍虛
左次才子賦南征高宴題鸚鵡還思禰正平

春日同庾清訪詢庵東莊

杖藜東郭訊柴關頻許籃輿共往還水灌蘂叢春社後風開

竹翠夕陽閒賣漿客在身仍健說劍人歸鬢已班計日雲帆
尋剡曲願攜雙屐一追攀

除夕

律吹寒谷入青陽燒蠟藏鉤興正長妻子杯盤隨簡畧交知
裘馬自炎涼空焚詩草窮難送且煖屠蘇醉不妨夜盡春星
光漸曉南枝如雪照溪徇

遊鶴洲草堂因訪寓居喜晤鶴江子宣

南湖秋葉早霜黃雙槩乘流過草堂拂檻松雲仍錯落繞門
烟水正微茫來尋放鶴人何在去問屠羊肆已亡垂領素絲
逢故舊不堪重說少年場

送右吉丈移居禾中

往日兵戈此卜居草堂今得賦歸與漫因酒社多零落恰並
梅里詩緝

卷十五

五

琴臺欲掃除茂樹清泉宜共賞風帆雪棹莫相疎城南花事
春來蚤乘興應懷問字車

管谷移居西里

十年生事漸蕭疎負杖行吟任所如折芰每同溪上坐束書
重卜褰西居常餐薇蕨青山近數罄樽罍白髮餘吾欲移家
無定宅結鄰端擬仿樵漁

烏啼曲

東方未明月墜西遊子出門霜淒淒吳王宮中長夜醉不聞
城頭烏夜啼

褚越

越字今遠醇弟

春懷

青陽晦白日嘉木生重陰天桃始含華倉庚發其音時物一
以變流邁方自今緬懷曠百世慷慨資以深拂衣步庭除太
息復高吟萬感從中來棲遲安可任晦明固有時窮約懷苦
心

夜坐

寒蛩入戶鳴獨坐旅魂驚正有登樓思遙聞橫笛聲烽烟迷
驛路鼓角動江城中夜悲風起長歌自不平

寄王訪

懷君不能寐永夜復何如浪迹慙吾友飄蓬更索居青雲平
野合芳樹暮春疎一水相思隔何由慰尺書

詩話當明之季流寇肆毒中原而烽火不及吳越
皇朝兵至父老牛酒摘師兵不登岸雞犬晏然承平
日久風尚奢靡元宵燈火甚盛好扮臺閣雜戲金銀
爲飾珠襖製衣光采奪目婦女倚樓而觀明瑋羅首

梅里詩輯

卷十五

六

寶劍推簾鬢影衣香蕩心惑志實爲盜媒吳興之舍
山荇荷窟穴宵臨晝劫至再至三里人李明輔武勇
絕倫家亦殷富洞開重門臂雙刀待之盜不敢入平
樓陳氏婦女盡爲男裝登崇垣拒守盜魁富二戎服
立板橋指揮羣盜射殺陳氏一僕陳亦發矢殪其從
盜一人不被劫者兩家而已順治庚子五月旣劫財
物復繫入歸巢勒金取贖而王先生訪與馮訪字千
明秀水縣學生績學砥行恂儒者也罵盜死鹽泉
金大者盲于目善皮鞋卜又能躡風知敵鹽徒奉以
爲魁與其弟金二皆善鬪時統私艘南來至雙板橋
乎脫鞋以卜日勝之矣曰此盜風也王店其有盜
南北兩柵木排于河以阻盜歸而親帥數艘之衆登
岸奮擊居民升屋發瓦石助之擒數百人戮諸塘橋
之上投屍于河水爲之赤時亦有鄉人曉入市而誤
被擒者臨刑呼冤乃令舉里人識認者辨之卽釋有
舉先高祖沖元公者固舉里人公至釋之羣被縛在
近者多稱識公公唯由公得釋者數十人實未嘗
識也舍山之盜疏劾數郡盤居數十年其後爲我郡
同知季公所滅

陳輿光

輿光字希孟客遊西安遂爲衢郡庠生

二衢

百艇浮梁渡橫連鐵索齊林深橘朱綠灘急水高低地險城
經亂民飢面帶鰲喜聞稅稻熟刈獲徧山畦

婺州雜詠

雙溪驛路雨蕭蕭通濟橋頭咽暮潮日落估帆相次泊曉風
殘月又明朝

金華洞口石玲瓏落日千峯望不窮白笥白原三百里峯峯
高並白雲中

金粟埽墓

泊船慣是繫垂楊歲歲春花上塚香翁仲不知年月老但看
寒食子孫忙

王復旦

梅里詩輯

卷十五

七

復旦字星紉

詩話星紉家有梅墅在項蔣二灣之間嘗集賓客觴
咏於此有向云一生樂事惟詩酒三徑時開爲友朋
豪俊如此聖後歸李孝廉稔鄉謂之南園今又三易
主矣

梅墅看月次秋錦韻

桑梓幸安居絃誦成樂國況此秋月佳清光浮白石良會匪
難期人生不多歷諸君皆素心論交畧形迹把酒論古今詩
文總無敵風輕簇雲浪花香靜中出榮華易寥落美錦無價
值我拙吟未己已百當人十疎放惜違時公卿訝長揖何如
此徜徉相對忘主客天空皓魄新永夜坐秋色三徑猶未荒
結廬且容膝

送鄭元閻

春風黯河梁斜陽滿津樹幾日聞君思故鄉一朝卻理歸帆

去憶昔相逢傾蓋間衆中顧盼非等閒縱橫翰墨古來少對
君時復開心顏殷勤孺子榻潦倒平原期自謂文旌久當駐
豈知離思相追隨今日踟躕此爲別一曲驪歌漫愁絕官亭
春色遍垂楊向夕飛花正如雪驛路東風吹未休花飛還繞
鄂君舟停驂悵望不可極白雲空際徒悠悠永嘉名山接青
靄吏隱仙都互襟帶括蒼嗟峨稱最奇曉瀑渾疑落天外君
今拂石臥深谿信道還家樂事齊若憶天涯舊知己音書一
寄浙江西

寄徐晉伯

昔從白門騎停驂紫溪前紫溪多土青雲客客中相見俱隨
肩傾情倒意如宿昔班荆握手長流連青袍白馬恣遨遊醉
向吳姬坐酒樓坐中孺子金門彥才華洵美凌曹劉呂安矯

梅里詩輯

卷十五

八

矯亦誰偶龍劔光華射牛斗更有公榮意氣新風流豈遜竹
林友有時翦燭賦高情慷慨論文坐客驚清言灑灑動今古
抵掌嘯傲無公卿晨夕經過長不輟一夜天山忽飛雪黃鶴
峯前朔氣橫清風橋下層冰裂余憶鄉園駕歸櫂君行相送
雲陽道離筵惜別情難盡江館飛花動淒草斗柄東旋冬復
春柳條又見拂河濱一片離憂滿芳隰側身北望空嶙峋延
陵祠畔春風入坐憶良遊意蕭瑟夢魂幾繞華陽巔花月空
迷祖君宅梁園詞賦近何如悵望天涯歎索居桃葉春風雙
鯉在可能一寄秣陵書

聞箏

促柱聲初急調絃思轉多未應垂素手端合斂青娥哀怨疑
湘瑟繁音異楚歌重關愁不遠遙夜復如何

王 俶

俶字心友號儼思文學選子以拔貢生選授陝西寧州同知不就有延芬堂集

詩話竹垞太史雜詩云東京厚風俗士行本學校必先親其親使民知則做於時重喪紀期功相答故至或自解官居憂立名教奈何今之人母死不答孝舍爾直經製有視酒肉貌首耶死者狐首山死者豹鮮民之不奔曷有掩泉窖誰哉生厲階仕路巧騰蹄此篇相傳有所指摘心友先生既選官以親老不赴洵堪勸孝彼為竹垞太史所刺者尚可以為人耶

遊白雲谷

平生好探奇扶屐入幽谷聯翩出蟻螻驚飛滿山麓寒泉咽危石疎鐘響林屋白雲足自怡毋令泥塗辱

江上次鄭梧溪世兄韻

蕭蕭飛鴻翼江邊共旅居亂雲歸遠渚斜日照寒蔬漫采林

梅里詩輯

卷十五

九

中蕙同觀濠上漁焦山今宛在試問舊蝸廬

王 俠

俠字秦楷一字天友朋弟永康訓導

詩話李秋錦詩然燭綺羅宜五夜得春益益亦千花沈藍村詩燕卷石昧寒對雨采蓴秋澗滑充庖皆為天友作也其風致槩可想見

待曹于湘不至

惆悵林花發殷勤谷鳥吟浮雲連野色落日滿牆陰獨坐遠清聽虛懷寄遠音相思不得見愁臥竹房深

過鶴洲

表休宅畔遶鴛鴦盡日湖光映草堂柳絮沾陰春影薄蕙花含露晚風香百年地僻傳清梵一水漁歸亂夕陽我欲登臨尋勝槩對茲耶壑正難忘

鶴

憇大佛寺望孤山歸寓作

稠疊雲山路幾重雀飛人去杳難逢
千林過雨紅霞溼一徑騎驢
碧草濃畫裏芙蓉開別浦鏡中樓閣隔遙峯
郭門歸夜涼如水倚醉銀屏聽晚鐘

方沁

沁字心水一字威勝鹽邑庠生

和陶飲酒

起家由田間可仕可不仕耕讀還相兼
恭儉以行己首鼠懷兩端古人所深恥
居賤應食貧決擇在仁里秉性雖疎狂
事循綱紀興至陶一觴微酣會當止
遺訓仰先師固窮端足恃

秋日漫興

梅里詩輯

卷十五

十

蕭條半畝宮近寺獨聞鐘雨漬苔翻紫
霜侵樹滴紅側身陋巷內寄跡草廬中
何處堪投策掀髯一釣翁

過仙居次古燈韻

竹林堪把臂滴翠石邊封村遠數聲
笛齋清幾點鐘逃禪喜永晝采藥問
孤踪邂逅逢知己高攀百尺松

王援

援字滋萬號覺庵方伯庭子廕生

詩話公子克承家學頗負時名詩筆雋爽

荒園夜眺

斜月澹林表荒園暖森肅幽人未能眠
長歎起躑躅秋風何蕭蕭落葉滿原陸
側見明河傾轉覺物候速小池映寒星
歷歷時在日游魚駭沈鉤棲鳥飛難宿
出處寧有殊險易隨所

觸一唱勞者歌欲獻淚相續

晨過清遠縣

初日照孤城朝霞遠樹明春深花自發人靜草叢生野燒餘
寒火頽垣駐客兵傷心荆棘處引領望昇平

過石庵有懷清映上人

許詢扶杖出支遁買山居日落微風起遙聞清梵徐深林棲
怖鴿定水鑿游魚好得同禪誦來繙貝葉書

錢 枋

枋字爾載號改齋桐鄉縣學生移居梅里有長圃吟

稿

詩語改齋爲明大理卿貢玄孫腹笥便便雅負經濟
傾貴公之座嘗爲當湖陸清獻公幕客其人品可知
矣詩取直達骨髓無雕鏤摹擬之煩亦工駢體李布
衣分虎詩戲言徐庾是前身爾我同誇麗句新亦識

梅里詩輯 卷十五

十一

壯夫輕小技爲傷宮體絕千春謂改齋也

擬古

高樓何崔巍杳窳渺難測激景納微光玉瑱以爲飾挾瑟立
宮門三年未察識豈不發清商失意無顏色仰視浮雲移私
心常惻惻知音苟無期日月常薄蝕何如雙飛鴻冥冥不可
弋

所思

清砧催促織爲客歎無衣已覺鄉心遠空憐舊友稀秋聲吹
桂樹月色照荆扉憔悴行吟者棲遲未得歸

秋雨

極望遠雲合微風吹客心空庭秋影暗高閣水痕侵落葉浮
清澗深林宿野禽沈吟愁獨夜何處急寒砧

議葬柏園兄於松陽

風流悲頓盡一慟未憑棺當世才名在無家卜兆難師儒延
俎豆弟子拜衣冠孝友平生事荒碑亦可刊

羸博觀公子桐鄉葬嗇夫昔賢成往事遺愛是前模風雨三
江隔春秋一飯孤憑將數行淚霑灑樹應枯

偕寓昭西厓西峻汎舟西湖

西湖之水何洋洋蒿師刺船來中央湖風乍急白浪捲山雨
欲墮高雲涼舊遊瞥眼已恍惚新句就手還蒼茫擲杯洗盪
吾徑醉不知月起流清光

淮陰漫賦

河夫久自前朝設官僱民傭歲歲同乍見淺徭編卒伍俄驚
盜賊出秧蓬常牽遊騎脩隄穴競阻行人助埽工他日決防

海里詩暉

卷十五

十三

皆此輩誰將民隱達蒼穹

淺夫徭夫皆額設以防河秧蓬見國語埽用菘麻捆柳枝蘆葦爲之

有順埽遊埽丁頭埽等名河兵近多生事有執路人以修隄助工者

自古防河議論難於今方識

主恩寬殷憂不惜垂天語覈

實還從簡地官決口千尋仍漫溢引河咫尺報迴瀾忽逢雉

兔荒林出策馬呼鷹一笑看

河隄原是衛民生議棄膏腴室已傾貢賦幾年銷故籍黔黎

千里作餘丁申言瓜果留遺種未許雞豚雜耦耕從此更憂

行李滯飄飄孤客戒晨征

時議將隄內外地一百餘丈給新設河兵從其民於他所有不願去

者派各兵下爲餘丁歲耕穫以供軍糈而糧未嘗除又隄旁有植瓜果散雞豚者以軍法繩之安東有河兵毆死平民清

河有執工所器械以劫行客者胥近事也

菘繩齊曳混江龍邪許終朝起木椿急水可隨沙共刷安流

空令土潛壅時乘官舫留歌扇漫向津亭放酒鍾猶幸百靈

俱効順年年軍精尙如虜

混江龍如鐵猫而小拋水中以刷沙者河兵每以官船載妓飲酒

徐剛振

剛振字子大號芝川海寧人移居梅里康熙壬子舉

人授上虞教諭有毅庵詩存

詩話先生明進士刑部郎中伯徵子也爲王方伯邁人愛婿贅居吾里詩篇氣盛而筆健

雜詩

中夜不能寐散步成謳吟清風拂面來寒露霑衣襟肅肅南
飛雁嗷嗷向我鳴所思在天末邈若參與辰奄忽歲月徂千
里隔好音浩歌清商曲聊以寫我心

淒淒明月輝颯颯寒風涼征人起視夜繁星粲成行雞鳴戒
徒御去去違故鄉策馬向長阪驅車上高岡良友不相顧骨
肉天一方黃雲蔽白日戰伐殊未央豈不願家室王事羈疆
場願隨晨風翼高舉見容光

梅里詩輯

卷十五

三

寄王滋萬

我懷玄度久寂寞恨離羣百里傳青鳥千山暗白雲潮聲江
上落樹色雨中分何處吹長笛臨風悵獨聞

懷陸左城

故國徧芳草思君尺素遙雁飛吳地月人聽浙江湖溥海千
檣聚中原萬馬驕關山應不隔風雨日瀟瀟

宿遷舟次

扁舟河上泊應是畏風波水國居民少秋山夜雨多更分來
畫角人靜起漁歌旅客增惆悵臨流奈若何

京州詞

月出交河苦霧生那堪秋色照孤城征人夜半吹羌笛一曲

涼州無限情

陳思光

思光字升萬一字晦齋號升庵其先餘姚人移居梅

里有行素堂詩草

詩話升萬行端學老處困能安有文集數十篇余嘗得之以歸我友北疇陳其源蓋其族曾孫行也詩集二卷有刻本曾從北疇借閱謠辭二十字最爲奇古

折楊柳

去年折柳前溪曲送君千里愁心目今年折柳南湖濱目斷關山不見君思君不見情無極攀條不語長歎息年年楊柳青如此歲歲人情不相似忽聞月下曲聲新玉笛橫吹愁殺人

月下同李武曾褚霞建分賦

梅里詩輯

卷十五

古

素華今夜滿山莊小坐因君盍得觴別浦畫樓楊柳曲誰家池水芰荷香參差烏柏連羈雀迢遞銀河隔女牆聞道莫愁年正少相思應下鬱金堂

折楊柳

百轉流鶯處絲絲拂錦川攀條猶昨日惜別已經年妾對章臺樹君迷絕塞烟斷腸橫吹發吹不到燕然

關山月

萬里明明月關山祇獨看光浮龍塞白影動雁門寒玉露流金析涼風拂錦鞍可憐今夜夢無路到長安

謠辭

行事皆橫逆家有黃金百骨肉皆弃捐家有黃金千

憶遠曲

征人遠戍玉門關十載風烟尙未還無限離愁徒欲寄相思
猶隔萬重山

涼州詞

風沙萬里老朱顏立馬龍堆望漢關何處征人吹玉笛梅花
一夜滿天山

陳 恕

恕字子如一字無競桐鄉歲貢生

詩話無競詩不事新奇自饒秀逸野航分葉去水鳥帶烟飛佳句也

漁家

野水蒼茫外漁舟倚釣磯沙晴春燕聚萍暖鰕魚肥烟月漾
江樹風花襲草衣村家沾白酒獨趁晚潮歸

寒塘歸晚

梅里詩輯

卷十五

五

八月秋草歇楓林正落暉野航分葉去水鳥帶烟飛雲香征
人夢山寒遊子衣江村歸路晚寂寞掩荆扉

夏雨金

兩金字鼎生

詩話鼎生買藥航吟周管谷贈詩君豈無且後猶傳舊藥囊字探揚子與歌聽接與狂柿葉蔭茅屋苔痕沁石牀吾衰疲灼苦時就覓玄霜釋櫻林贈鼎生移居詩十年陋巷比寒肩今共衡門水一灣清侯鐘聲來隔岸香分花氣到荒山疎狂酒作生涯慣牢落人方春事開竹裏君須安畧約時陪拄杖小村閑鼎生居近靈源籓谷柿葉之句蓋指分柿山房言也

客途

悲風吹薄暮孤棹下江干自媿謀生拙空歌行路難言歸徒
計日久客且加餐歎息征途遠雲山向夕看

秋江晚霽有懷徐庚清周青士

疎雨晚來歇蕭蕭江上秋殘烟開遠嶂明月在中流作賦懷
良友離家做客裘南歸何處鴈嘹唳下蘆洲

登江樓

春醉曲江頭還登江上樓堤花明浣女渡柳隱漁舟

何奇

奇字就韓

詩話就韓詩疎而整

客中登野閣

烟水蒼茫裏長堤獨繫舟雲開千嶂曉月照萬家秋漁火明
帆影砧聲動客愁慚無王粲賦乘興漫登樓

村居訪友

天遠晴烟散荒荒落日斜閒尋秋草徑獨到野人家留客烹
梅里詩輯卷十五

去

葵葉攜樽對菊花茅齋不厭坐殘夜話桑麻

戴天培

天培字幼植

秋夜徐遠章青巖過訪席上分韻

不見復三秋重過慰客愁一尊空北海二十重南州何事逃
禪去相攜秉燭遊浩歌情未已曙色映高樓

語水道中同朱飛長徐汲醇鄭辰文

野烟百里樹秋草石塘花水淺漁鉤落風高雁影斜歸人爭
晚渡返炤入晴沙喜指前邨路西橋是酒家

擬西崑體

銀河燦燦斗初橫禁苑秋來夜氣清紈扇影虛風欲度紫簫
聲斷月微明波深太液羅衣薄花隱瑤臺雜珮鳴玉露坐看

宮樹滿銅龍響咽不勝情

毛士英

士英字羽就一字羽皇秀水縣學生

詩話舊諺前王後李東鄴西毛爲里中著姓或曰前張後李毛氏自羽就而外未有聞人豈失傳耶

南湖

南湖望裏平百頃漾空明雉堞參差見虹橋縹緲橫風帆通極浦烟樹隱層城不見鷗夷子扁舟空復情

王怡

怡字可士

塞下曲

瀚海初傳箭征人復去燕邊聲千里合烽火百城連飛旆搖霜月哀笳激暮天請纓當日事奏凱更何年

梅里詩輯卷十五

七

送許箕

歲宴方離索天涯動別愁清霜飛客路白水泛歸舟遁跡懷巢父高風繼許由杖藜從此去何日更同遊

王沉

沉字宋臣方伯庭季子官萊陽縣丞

詩話二尹句如稠花時帶雨山寺晚生烟恆山北志疏雲氣沱水西流落雁聲巖倚七星占北斗堂開入桂臥南雲竝警拔可謂

遣興

木落山池白虛窗懶獨吟每當聞雁後便覺入秋深急雨催高樹微風送暮砧鄰翁招小飲爽氣喜披襟
石砌鳴蟲急蕭然午夜秋閒看天際月獨照水西樓雲淡浮蒼樹溪深夢白鷗小窗吟短句幽意託林邱

褚體仁

體仁字晴巖庠生有勗青堂詩稿

冬日

富貴無梯莫妄攀得偷閒處且偷閒烹茶夙貯黃梅水縱筆
新塗赤壁山窗豁喜逢寒雨散竹喧遙識暮禽還籬門冷落
知誰問好趁斜陽早上關

褚鳳翔

鳳翔字愚一有大愚稿

緒會按愚一爲汝縣彭延梅湘南所製嘗聚禾中老
人爲耆老會所著大愚稿初集十種二集十種其禾
事禱吟足以備遺聞

耆年會歌 并序

癸酉三月十有八日會于太古道院碧雲山房同社

梅里詩輯

卷十五

六

十有三人吳竹巖遇年七十八沈退翁運宏張惕齋
仁浹金霽巖作楫徐瀘州遵義俱年七十五陸蔗田
霽吳竹軒瓚俱年七十徐蓮滢望齡年六十九錢曉
初士俊年六十七莊愈盧嘉年六十六汪葵圃一臯
年六十四余年六十陸道士載山年六十三共九百
零七歲亦昇平佳話也爲作放歌行

我昔少年時常恐不到老賦稟旣厄織善病增煩惱天公下
視惜詩亡半壁偏師委我保橫衝直撞四十年鬼哭天驚人
絕倒飢兮不思飽倦兮不思眼壘兮如土偶舞兮如癡顛條
然意到狂叫絕欲呼李杜王孟起九泉與我更唱迭和相周
旋三首六句詩復酒督郵從事互對臨風前朝扣壺夕拊缶
瞬息朱顏成白首翩翩年少不我偕策杖香山友黃耆雞皮

鶴髮十一翁青眼同垂顧下走陸道士陶五柳清若空傾不
住口劃然虎嘯又龍吟肯學蠅營與狗苟興酣欲借魯陽戈
揮日紅輪復出酉照余徐步菜花塍暢看黃金堆壟敵叩天
促地鼓洪爐金鑄耆英十二同畫圖我增一筆與一硯書空
寫恨長胡盧興觀羣怨合禮義千年詩道或不荒榛蕪

石佛寺

雙屐踏泥行山僧帶笑迎香蘭生韻足老檜釀陰清徑曲雲
房宵風微客坐馨吾家遺墨在瞻仰不勝情

屏有家研
民公墨跡

禾事雜吟

胥山鍾秀蠡湖清構李賢豪間世生惆悵厥田惟下下秋來
纔納又春耕

胥山在城東三十里蠡湖在城南禹
貢揚州田居九今則賦甲平江矣

澤國安瀾大禹功屠龍遺骨似防風至今小律原邊過早魃

梅里詩輯

卷十五

九

難穴歲歲豐

禹治水時斬黑龍以祭震澤而葬其骨於田今
秀水復禮鄉小律原卽其地水旱無傷明永樂

中有中官至此漁人
指示之拾骨以獻

南湖十景久垂名師旦園亭姓屢更薇徑茶溪空想像春來

惟有水聲清

宋尙書潘師旦會景園在南湖濱中有十景曰
南塢海棠亭白蓮沼桃花亭紅薇徑茶溪鶴亭

芙蓉塘白
芋橋漁激

碧鮮亭外竹叢叢滌盡煩襟淨土中聞昔白牛居士過幾番

風月酒樽空

碧鮮亭在縣東五十里淨土寺因竹得名白牛
居士陳舜俞有詩未句卽陳語東坡亦有詩立

碑寺
門外

梁父吟殘事已陳蕩陰里墓葬三人一坏誰表鹽官路彷彿

嘉禾弔伯倫

陸廣徵吳地志鹽官有古塚傳是公孫按田開
疆古冶子葬此嘉興縣東二十七里有劉伶墓

雋李池名記廣徵餘皇習戰夫差時芙蓉菱芡週遭在好咏

聞川懷古詩

吳地志嘉興縣北三十里有雋李池是吳越水
戰處蔣楚禪先生謂卽雁蕩見聞川懷古詩

蘆塘灣北射襄城小港猶傳接戰名霸越亡吳同是夢客來

憑弔不勝情蘆塘灣在杉青閘北射襄城相傳在王江涇其東有接戰港吳越交兵處也今有小市

百丈溝堙徧草萊木紋殿燬半莓苔徐熙舊宅精嚴寺誰識

山名號五臺精嚴寺東晉徐尚書熙故宅百丈溝在外舊有木紋觀音禱雨輒應唐釋寶安遊五臺歸築塔

象五臺因名五臺山院

九龍環拱弄珠樓鳧雁飛飛蘆荻秋屈辱舊傳湖庖鎖千尋

鐵鏈月明浮當湖弄珠樓旁有九龍名九龍括異志載漁人于湖中獲一鐵鏈長不計數舟滿錢覆懼而棄

之相傳鎖

江東望族數聞人襲桂圖披盛絕倫幾度天星湖北過夕陽

蓬戶燕泥新吳越時聞人珪自錢塘徙嘉興累葉簪纓子孫繪樓柱圖科甲名第相繼爲望族之首裔孫安

道安遠起大宅于天星湖北聚族逾百口一時無匹

巷名誰復憶甜瓜曾有唐朝宰相家靈氣此時鍾女子誦經

梅里詩輯

又復雨天花甜瓜巷在城中唐陸贄宅在內相傳陸氏有一女爲尼誦經天雨花因建雨花庵後爲寶花尼

寺

水底佳城石尚存荷花池池傍拱辰門都官姓在名難考祭掃

何曾見子孫北門荷花池內有周都官墓不知其名見張堯同嘉禾百咏

天馬橋陰大宅奢宋時三品擅聲華後人不識先賢蹟錯認

前朝學士家呂家府宋時呂詢呂誥故居學士明相國文懿公原也

子城西北似龍藤故老相傳目若燈夜黑居人驚閉戶張牙

舞爪欲飛升府治子墻西北舊有枸杞似龍每至風雨夜有光如炬空中聞吼聲居人咸恐斷其一爪其怪

絕乃

風光樓下爽溪寒帝子逃禪物色難不信一州興二聖流虹

亭復有龍蟠風光樓在爽溪資聖寺向有唐宣宗像今俱燬矣流虹亭在興聖寺宋孝宗誕于此今爲嘉興

宮學

卷十五

芙蓉浦水繞南軒二友亭間笑語喧南渡簡齋詩最著阿誰

弔古問青墩宋陳簡齋與義置宅青墩構南軒對芙蓉浦與葉天經及僧西庵友善建亭名三友

八詠樓基野草深陸蒙老沒孰重尋一篙撐向東津去萬里

橋南泊柳陰八詠樓址在東塔寺前蛋湖中宋時邑令陸蒙老建萬里橋在東津亭南俗名鱧鱓堰橋雍正

中李敏達公衛重建

柵口鐘聲徹魏塘白蓮寺在水中央客來但解尋倭字古蹟

何曾問錦莊白蓮寺卽趙倭之錦莊殿壁有日本夷字

雲東逸史擅風流花草翎毛色色優來去滄江虹月裏浮家

別是一丹邱姚御史綬天順中進士罷官歸築室大雲寺東窗翠幕吹竹彈絲興到隨意潑墨飄舉欲仙遠近爭購之

陶莊北靠妙圓山志名淳熙色已煇黃雀秋深何處聚陰陰

學士賜塋問陶莊出黃雀宋保義郎陶文幹墓後有妙圓山高數百尺東爲本朝宗伯學士徐公嘉炎

梅里詩輯卷十五 三

賜塋又嘉善東北亦有出黃雀處是爲東陶莊

小普陀前縱碧桃樓頭紅日又高高踏靑少婦多情甚一見

鴛鴦怨伯勞烟雨樓側有大士殿額名小普陀古詩東飛伯勞西飛燕禾俗三月三日婦女爭出踏靑鴛鴦

湖上遊船鱗比

汝侂遺宅爽溪東拾作招提額報忠千載重新名覺海龍翔

鳳翥氣葱葱趙汝侂宋朝散大夫淳祐中捨宅爲寺自明以來日圯雍正中特命有司重建令僧楚雲住錫

賜額 覺海

春波廢址草萋萋過客誰知問仲圭贏得梅花庵尙在魏塘

東去塔重題吳仲圭名鎮有春波草堂舊在春波門外梅花庵在嘉善仲圭之塔在內邑令陳公以剛新修

王氏鏞鈞兩弟昆梅溪故里店名存合刊詩稿人珍重不獨

聲騰水竹軒王氏弟兄鏞洪武初孝廉與弟鈞同隱梅里故里店有合刊詩稿水竹軒朱克恭所居鏞鈞

俱有

萬壽山前金字銷煮茶亭外雨蕭蕭風烟空翠看何在入景
圖中最寂寥萬壽山即本覺寺東坡三迥堂煮茶亭在焉山
門有萬壽山三字嵌金今無矣吳仲圭嘉禾入
景圖以風烟空翠為首卽此也

北代徵兵護帝京遠猶稱旨李文榮西江方伯懸車後貸死

恩推同姓名李文榮圖蕭里人由明經歷官行太僕寺丞以
事謫戍京城成祖出狩文榮上疏請徵重兵守

京城監國從之回鑾擢江西參政後致仕歸里江西復有參
政李文雄犯大辟上以姓名相近特免其罪而令往謝文榮

榮已沒

中和節過又花朝蘇小墳邊酒孰澆記得來儀詩句好東風

吹草似裙腰蘇小小墓在賢娼巷明初有詩東
風吹綠草依舊似裙腰張羽句也

尚書大第非溪東天籟珍藏一郡雄繪事家傳如拱壁易庵

綽有墨林風項襄毅裔孫元汴號墨林專收古人書畫以天
籟閣圖書為識後人俱能臨摹易庵聖讓筆法

梅里詩輯卷十五

三

尤

水沉床載莫愁城千古風流有子京不道青樓偏忘舊香焚

十里擅豪名項墨林字子京嘗罷金陵一妓婦後購沉香製
一床備極奇巧載之復往妓方款洽他客見子

京慢不為禮翌日項乃大會曲中諸女斥妓薄情昇床置
隙地酒酣擊碎舉焚之香聞遠近月餘始息火豪名大振

文湖書院水中央會熬姚江一瓣香野獲編成林壑香秋風

倚棹剩淒涼沈參議謚居長溪於宅偏築文湖書院以
祀陽明先生其裔孫德符著萬歷野獲編

美酒由來羨月波偏提沽去不嫌多屠墳秋鳥分湖蟹賞菊

歸來帶醉歌月波秀州名屠墳在平湖
出秋鳥分湖在嘉善出蟹

潮音院下清江宅仙客山前貴主墳風雅榮華俱不見夕陽

無限卷浮雲父山父基得道處有潮音院銅棺塚及嘉園
公主墓宋孝宗女也具清江瓊宅亦在山下

忠宣忠定並元功坊表巍巍異代同明相止稱朱與呂不知

前已有俞公名相坊為唐陸贄忠輔坊為宋趙汝愚呂文懿
朱文恪俱為大學士而景泰間兵部侍郎俞綱

曾入內閣辦事是日
之先已有拜相者矣

寶華寺址金吾第百世猶思溯本支底事司農身沒後棧崩

棟折草離離寶華尼寺後改為倉明世宗朝陸錦衣炳以為
祖基重建大第里人訛稱乳娘廟 本朝曹司

農密得之沒後人利
其楠木俱已折賣矣

平泉花石後會留春草萋萋放鶴洲燕子似憐金谷土殷勤

街上小樓頭放鶴洲裴休遺址宋朱希真居之
明季貴陽太守朱茂時築園于此

繼山早著直臣名骨鯁誰知畏炮聲一自富平相左後浙秦

門戶遂紛爭沈司馬思孝少畏炮聲嘗向陸莊簡言之晚與
孫太宰丕揚忤秦人遂結黨攻沈門戶始分

釋氏爭誇種福田五臺施捨十方傳後人罹法真兒戲錦瑟

銀箏奏幾年陸公臺名光祖信佛法各寺俱塑
其像後嗣為匪人所誘後赤族

石帆誇誇古名臣屢蹈危機不顧身善邑壤田非力諍架房

難保舊魚鱗岳公元聲以爭嵌田善邑人聚
門鼓噪公不為動田得保全

梅里詩輯 卷十五 三

老柏如虬試院前不知經歷幾千年凌霜傲雪無人問輸與

春花並鬪妍宏文館前有老柏
俯牆上屈折如龍

社酒新嘗燕向巢賣錫天氣小鑼敲何來十廟燒香女汗溼

胭脂一路嘲禾俗婦女春日
慣燒十廟香

吳山梁苑總荒烟誰憶龍潛秀邸年剩有巍樓名不改鐘聲

聽徹白雲邊東塔寺景龍樓宋孝宗幼日
登樓而墜符寺僧之夢故名

石佛寺中檜兩行陰森三十二金剛雙槐八景俱千古不獨

飽樽技擅長寺條宋時保聖院因殿基中得石佛故賜額石
佛有檜三十二株名金剛檜殿前有蟠槐二株

又有八景見姚尚書宏謨
記禾中飽杯皆寺僧所製

虹涇東去柳絲絲古蹟空存飲馬池蕩槩過橋巖水次巍坊

深院祀康僖顧野王讀書臺飲馬池俱在虹
涇橋東屠康僖公勳祠在橋西

尤泉行不理於鄉臨命偏隨員外郎乞得弇洲碑記好相嵩

切齒姓名香嘉靖朝談相號亦泉以善書官侍郎後忤旨擬死幸矣尙何冤爲其子乞王世貞爲謀稱相爲夏文愍故被酒斥嵩故陷之死

叔銘縑素擅輕纖性喜臨摹書畫兼好事雲卿曾賞鑒墨池聲價頓然添褚勛字叔銘能書畫又製畫縑極纖細名褚縑爲莫雲卿李繼泉所重

碧山學士擅文名百載孫會尙起聲怪底具區遺澤斬若敖鬼餒泣荒塋黃學士洪憲號碧山馮祭酒夢噴號具區俱工於制義

官詹甫試卽掄元留待來科竟踐言二姓承祧真創舉曹陳同譜慰遊魂陳官詹謚典初以儒士赴省試不得元房師有留待來科作解元之語果待公無子以婿曹憲來同經重立爲嗣曹後至今姓陳

恬致遺編著述全紫桃雜綴並堪傳華堂一炬風流渺重到螺溪異昔年恬致堂集李太僕日華所著遺宅在螺蛸浜乾隆中堂災

選政神臯噪國初袁宏才藻性耽書辭官老就名山業千載梅里詩輯卷十五 廿

鴻詞綺里居袁先生疎字丹六選制義神臯盛行以貢元除青田學博引疾不赴杜門著書刻有綺里居詩

金陀故址蠡湖濱俗圃遺文墨尙新綠野百年三易主縹緲萬卷屬何人金陀坊宋岳珂故里本朝曹侍郎濬築倦圃於此侍郎沒後三易主矣家多藏書亦已散失

渚山樓聳硤川隅大滌山人名並驅一代明詩偏失載搜羅未免有遺珠潘梅巖先生名廷璋嘉庠生與俞右吉齊名有潘山樓集行世鼎革後棄諸生隱居教授不與諸大老通故吟嘯不及郡志

失載然千秋公論自不可屈黃葉詩清方外格冬關句老士林稱有明末造多名宿石柱還留血影僧明僧智敏字秋潭號黃葉通復字文可有冬關集俱工詩血影僧在城西牌坊石柱上事詳載

郡志

化龍橋北東禪寺入夏荷葉冉冉香一自墨庵來卓錫清風千古並流芳沈仲芳名起嘉庠生甲申後隱于僧皈天水和尙改名銘起號墨庵住東禪寺所著有學園集

書

如拳擣李勝徐園珍重夷光一爪痕今古詠求累淨相西溪
樓盡又藤門橋李有西施指拾痕味勝徐園李淨相寺爲多寺僧殊苦之

看松訪褚海棠顏名在高槐屠桂間不似紅芳摧折早鬱蔥
依舊鳥關關余家羅漢松千年之物與高槐屠桂顏海棠並著今海棠久萎三樹獨茂

國初元老數文通久值綸扉優禮隆茗水曹村藏不得龍門
騰躍傍流虹曹村金文通公之後寄籍嘉興前明萬厯己未進士

何蕃沒後少陽誅誰似錢生不顧軀十大罪昭好逆磔乘軒
君子報顏無明愍帝登極錢先生嘉穀首幼魏忠賢十大罪

直指豪華一旦休西華無復故人收誰知當代文章伯三黜
終須作狀頭何通政元英性豪奢果敢康熙己酉長洲韓宗伯焚冒籍不中己爲學使金公所拔何時爲巡按歸力攻去之韓晚門不禮後爲范貞公所取爲之捐監入塲

列岫亭遙不可尋六峯閣近未銷沉研經博物何人似又見
梅里詩輯

卷十五

春風偏上林宋元間城南有列岫亭六峯閣宋大史竹垞所築研經博物 御賜額也

隱娘紅線事迢迢彈飲何人嘆寂寥不道元卿三徑外倚天
猶自嘯清宵劍嘯臺在聞川蔣楚禪先生之翹讀書處也黃改亭作記

香草亭前過客繁龍蛇飛舞墨池渾隔籬小阮傳經在問字
談詩半畝園我家高叔祖硯耘公居香草亭以字學名曾祖晚號半畝園老圃先君晴巖

爲善無如最樂編孫曾繼起以詩傳績溪茂宰清如水載道
謳歌五十年高采菽先生最樂編後裔子修先生以承大立先生孝本俱以詩名大立官績溪合以清受誼

小立湖濱禮瓣香鶴江遺塚剩淒涼高風更有東村叟紙帳
荷衣歲月長瓣香居士盛遠墓在南湖濱東村先生陸炎卓能詩尤工書體王家英

解元羣從白眉良昌樂清風姓字香讀遍五車人不識遺文

一卷繼西湖

葉方平先生名元升嘉善人解元汝說從弟也父翹以明經授昌樂令有清名先生少博學尤敦士行爲古文似尤西堂不自收拾遺文一卷不及百篇

冰花結瓦記

宋元豐未秀州人家屋瓦霜後成冰花每瓦一枝正如畫家折枝各花俱肖以紙摹之無異石

刻見魯應龍括異志

酸齋樂府久馳名

法曲鹽官倍動情紅杏綠楊春社後樓船爭延致之得其傳頭故海鹽腔著名

翠華昔日幸雙溪

鳳船龍編盡向西天語菜花涇駐蹕水圍似宿萬星齊
乙酉春聖駕南巡由松江赴杭州至菜花涇駐宿老幼跪觀洵太平盛事也

列聖相承邁漢唐

恩膏屢沛福履穰仁皇辛卯蠲租後賦減嘉湖又折糧
康熙五十年特免地丁銀雍正三年特減嘉湖重賦九年以浙屬災特恩折漕

俟六年二月開征

梅里詩輯

卷十五

其

古井庵西舟子喧

賣薪爭進小西門城形誰說長蛇似旋闌

旋堙不憚煩

小西門康熙中太守城公憲祖所開居人便之雍正年間因修城復塞

訛傳只說乳娘廟

吊古誰知繡女墳寒食楊家村畔兩遊魂

猶駕楚臺雲

黃繡女名疏明洪武中選入宮建文時爲宮正司女使永樂中放歸有司歲給粟帛卒葬楊家村

拙政園扁鶴不歸

烏衣剩有燕差池阿宜才藻何無行三復

情深月令詩

陳素庵相國拙政園在蘇州其姪高永居秀水才情敏贍著月令詩最佳惜一生無行潦倒以死

湖東高士芰荷衣

曾入梁園作賦歸老去祇于經史癖清餘

堂內雜賓稀

程先生泰京字紫縉博學能文兼工書畫壯遊京師老歸清餘堂自號湖東癩民七十一歲而終

暮春三五試燈天紫陌笙歌雜管絃

聖節歡呼垂十載霓

裳縹紗鏡臺前康熙癸巳後以三月十八日節屆萬壽各處張燈演戲旬日喧闐臺有以鏡裝成者照

鷺水東流不復西雙溪砥柱鄭公堤百年廢址重興築弱柳千條拂水低會龍山兩堤萬歷中邑令鄭公振先所築康熙庚子余祖父偕高先生大立莊先生景韶重新

倡築辛丑告成

鷺湖書院罰緩成傑閣巍樓耀眼明山長於今更六七百年

應有魯諸生鷺湖書院太守吳公永芳罰楓涇王某造以祀陸湖湖先生

春門居士一聞人幾筆烟雲識者珍太息雷山賁志沒青螺

遺跡盡封塵徐春門名宏澤孫青螺名燦心工詩畫雷山名耿震詩文更優

徵君獨眼號潛夫遇盜中塗抱璞連老大文孫博一第詩篇

兩世尚存無陳徵君莢字堯敷已未應舉遇盜而歸孫佑中庚子舉人亦能詩

西湖畫舫南湖艇載酒何人問永安賴有鷹窠頂上日年年

梅里詩軒 卷十五

七

合璧引人看永安湖即澈湖山圍堤亘不減西冷粧點無人遂爾堙沒鷹窠頂在湖上每歲十日朔可觀日

出月並

鋤強第一數黃公問俗安知賣菜傭此後彭城堪繼武封章

入告屏羣凶雍正甲辰黃撫軍叔琳訪逮訟師禾中奸猾悉遠竄後李公衛亦能懲惡著名認棍俱題斤革

快人

記得愁霖丙午年秋冬五月水連天舊污滌盡東西浙使者

觀風變翁然雍正丙午自八月大雨直至十二月秋收無半年有觀風整俗使之說

滌湖濱畔掣鹽塲剩有橋名不見倉移向虹涇南北岸千艘

那許月昏黃明代掣鹽在南湖故有鹽倉橋國朝移批驗所于虹涇李敏達因于橋南北舊民田設倉二

處

梅花聽事擅清香太守閣公手澤長不獨同仁廣孝塔溝中

枯骨頌無疆府署梅花閣公堯熙所植又置同仁廣孝所以收無主之骨郡人深感之梅花聽事碑記姚公

淮

王祠改作漢臣祠江左千秋賴保釐蒙遜若知今日事白衣

搖櫓悔勞師怡王祠改記闕壯
繆西偏花圃頗勝

側理澄心未易求薛濤尺幅最稱優梅溪新式雲藍紙寄與

誰修五鳳樓梅里花箋備極工
巧遠近爭購之

濮紬新樣似西綾染作宮衫見未曾一夜北標來盛澤機中

富貴價頻增濮紬西綾俱出禾中花樣
有大富貴小富貴等名

董家百戲暮春天玉面紅粧綠柳邊走索弄缸多過了再移

花板試鞦韆春時諸戲以
董家為第一

柴桑已杳石湖遐灌漑誰培植隱逸花猶記少年重九日竹隣

巷裏問高家范石湖有菊花譜七十二種竹隣巷在城中
高書亮一生栽菊編求異種極一時之勝

花鳥三泉父子傳夏屠鉤染色尤鮮由川人物看誰好王獻

梅里詩輯卷十五

廿八

胡嶠各法全

王三泉禮及子亮俱精花鳥夏吉庵大貞屠梅
庄徵遠尤工王獻字補雲胡媚號晚山俱工繪

事

白苧村前石筍抽滄桑會閱幾千秋夫人廟祝天官裔欲問

殘碑不可求白苧村有三夫人廟庭有石筍
根不可測基地吳太守鵬所捨

八年子月乍黃昏地震轟如萬馬奔三載奇荒殃及竹哀鴻

四散只空村雍正庚戌十一月廿八日黃昏地震片刻明年
竹園俱壞入秋蟲災徧告連荒三年殍者以億

萬

東鄉九月刈香秔揄簸蹂烝不厭精到得一陽來復後冬春

葢好室盈盈冬春米獨嘉湖人家有之至春則
爲回芽米春之多折香秔熟尤早

薄夜牢丸並有名那知茶食製尤精爛銀盤大中秋餅四景

何如獨水晶郡中春餅月餅王店薄晚嘉
善參糕平湖糖餠桐鄉水糕

碧山元吉與鳴岐名並斜塘楊漚馳絕技百年常間出存周

桃盒又新奇朱碧山銀工黃元吉錫工張鳴岐銅工楊滙漆工沈存周亦近時錫工

桃花里盡萊傭家摘罷臺心旋種瓜一到秋來尋蟋蟀季季

行販作生涯桃花里人以蔬菜營生一到秋則捉蟋蟀賣買者俱集真如寺前

平江路路夜航開滿載蘇州帶貨來一枕黑甜行百里鉏家

灘上出行回夜船惟浙西有之最為便民肩挑小販五更往鉏家灘名為出行

江村別墅等平泉曲水長林小洞天花藥芳蕪都不見春風

樓址草芊芊高文洛士奇別墅即馮洪業園在平湖北松竹梅桂各植一處池館逶迤引人入勝仙壇蘭若

錯雜林間遊人應接忘其為園圃春風第一樓觀梅處也乾隆中售為材木成白地矣

城頭崇閣祀奎星音點朱衣應有靈裙屐少年誇綵筆不須

祈兆冷仙亭城上文星閣太守閻公所建冷謙亭在園妙觀後

鳳池佳氣自氤氳泮水才華孰出羣少日妄希叟相業那知

五十尚無聞鳳池坊以宋相婁機得名今府學即機宅

續梅里詩輯卷十五

郡乘紛紛孰揜瑕後來吳志一時誇職官名字仍重出去取

如何信弗差元史褚不華字君實曾為嘉興路治中向來郡志以不華君實為兩人並載職官表吳志亦未

孩兒橋上兒為崇西麗橋頭獅作妖我欲續成括異志先題

俚句當風謠孩兒橋小兒為怪見括異志西麗橋石獅相傳一入麪店喫麪故研去口

褚平世

平世字孔賢有澤園詩稿

緒會按孔賢為邑宰楊承綜望廬所知嘗泛海至普陀聽千步潮音詩思愈壯

顧希馮讀書墩

為文宜識字讀書辨形聲希馮繼叔重玉篇講習明梁陽方

擾攘篤學早知名尋領大著作致位光祿卿分野晰輿地獵

史尤縱橫丹青擅老手古賢生面清博綜及羣典卓犖一代

英五里阡陌間書臺蹟未平寤寐思私淑鉅學慕鴻生誰歟
能好事率錢表幽貞結屋志遺踪桑梓增鄉鬻討論六書體
音切諱必爭悵然抱此懷待後係非輕落日下平岡俯仰今
古情

陸宣公祠

惟唐建中歲君德乖宰制中書相奸邪斂怨靡止戾佳兵卒
自焚出幸爲上計岌岌奉天圍君臣相顧涕天生撥亂才論
思勤獻替忠誠格君心忌主威嚴霽啟沃中事機匡救盡巨
細倉卒紛填委揮灑絕疑滯理亂參百王芳潤漱六藝山東
播詔書悍卒咸揮淚半歲還舊都人心實關捩時平驕怠生
逸欲復世世逆耳味忠言圓鑿而方柄艱危內職優安樂忠
州棄讀公所遺文識公處大事謁公如列星想公當亂世平
梅里詩軒

卷十五

三

生景仰情浩然彌高寄咫尺少伯祠金鑄堪後繼

養蠶詞

陽春三月蠶子出曲植籬筐堆滿室三眠蠶起食葉速南陌
採桑樹樹禿空箱久墨羅襦裳嫁時一著便收藏蠶饑擾擾
心若何持問豪右質羅襦羅襦質得錢無幾更向鬢邊脫簪
珥得錢換葉飼蠶熟雲繭盈山光郁郁纜車軋軋絲方成里
正催糧忙出迎

踏車詞

水田五月青秧插杲杲烈日難舉鋪村農婦姑盡踏車兩鬢
蓬飛筋力怯自晨至午不辭疲足踏車軸手繭衣口說家常
繭撚線呱呱或乳懷中兒水波汨汨龍舌捲車幅翻翻鶴膝
轉東阡西陌聲啞啞中婦少女足重趺安得飛來一片雲

窶汗邪勢無分沛然萬頃瀉膏澤田家婦女得欣欣

古劍篇

張華不作雷煥死往往龍泉泣淵虛當年鐵冶飛炎烟鍛鍊
千番精銳起可惜良工枉費神英靈中路委風塵白從掌握
歸書室知己周防君子身白光虎躍滿戶輝紫氣龍騰貫牛
斗撼牀夜半作雄鳴黑風捲地魑魅走君不見王侯將相祗
須臾土花苔蝕空模糊手持白刃三尺水勝看青簡一編書
丈夫重心亦重物崆峒山高滄海闊黯澹蒼茫懷古深摩挲
慷慨中腸熱拭用山齋萬淘甌淬以方塘活水泉何時飛向
青雲裏忽落塞北勒燕然

鴛湖竹枝詞

平原百里水爲鄉放棹鴛湖樂未央漁笛菱歌烟際起月明

梅里詩輯

卷十五

三

靜聽曼聲長

何處淹留可判年釣鰲磯上水潺湲晴天四望風光好不信
樓名擅雨烟

五龍橋畔畫船開三過堂邊載酒來回到小曹王廟去排笙
搖鼓弄泥孩

四月清和賽會天紅裊翠幌蕩湖邊西遊濮院東鍾帶盡說
鰲山勝往年

小滿江村蠶自成纜車軋軋夜深鳴阿誰翦卻同功繭對對
鴛鴦最動情

日日南風時雨多鯉魚過後白魚過田家但看分龍後莫管
林鳩怨出窠

新秋風雨滿城驚父老嘻嘻慶鹿鳴聞道木龍昨夜現文星

閣下浪濤生

春明菜隴花如錦，秋冷雙溪月似霜。
惆悵舊樓名入詠，蕭蕭遺址水中央。

木芙蓉放桂花殘，蟹舍漁莊白露寒。
願得天晴過廿四，稻園開日卜柴乾。

千年古蹟說胥山，霸業消沉蔓草間。
安得飛來湖畔峙，滿城士女共躋攀。

李夢白忠節之後，名列景山。入子與郭龍威、齊名人稱李郭。余長簡詩有周質序謂其少事豪俠，一旦棄去，專力於詩，變而益上。王覺庵與同里諸子舉存誠詩社，晚喜禪悅，情熟內典，錢改齋與張揚園、徐勿篔、陸際書諸先生相切劘，世重其品。王宋臣從輯餘補入孫淵識。

梅里詩輯

卷十五

五

梅里詩輯卷十五終

梅里詩輯卷第十六

里人許燦衡紫編

屠達

遠字展馭文學曠長子縣學生有誠齋詩存

詩話先生規言矩行學者奉爲矜式獨豪于飲每讌集期于必醉其詩有悠然自得之樂

孤鳥

有鳥東南飛飛過山麓不能凌雲霄庶幾遠幽谷高岡棲
梧桐平林依松竹嚶鳴豈無求徒慙抱羈獨覩彼扶搖姿六
翮何高盪翱翔天地間滄溟任往復恭聞君子訓隨遇以自
勸碩人雖遐尙無爲老邁軸

江郎石

昔聞江郎山今見江郎石三峯聳其顛厥勢何軒特筍輿西

梅里詩輯

卷十六

一

北來宛轉得親覲始望但嗟峨漸近知分坼壁立劃然開有
若巨靈擘一一逼穹霄不知幾千尺登陟豈不難神仙或可
卽我欲從之遊願言生羽翮逍遙凌清風塵世安能役

柳家墩

山行數晨夕山勢逾窈窕羣峯屹然立峭壁墮高鳥巖石玲
瓏生形狀真奇好下有迅飛泉日射波光皦盤旋詰曲中奔
流益呈巧我來迫炎暑對此舒懷抱同侶共偃息微風動林
杪嘯歌清且長仰視碧天小無爲慮行邁悠悠哉陟嶺表

羅源道中新霽

出門雨霏霏風景猶如昨岫嶺鬱烟霾浮浮蔽山郭中途歷
邨舍雲氣忽已廓清暉照我輿熙陽映巖壑嘉樹意向榮好
鳥聲鳴樂大化有轉移頃刻慰寥落驅驅抵羅源引酒宜深

酌

望連江

四月初孟夏時令猶春暮和風飄我衣驅車歷前路循彼東湖涯佳勝每回互遙望連江城依依翳林樹西南阻青山高莽參差附晚塗多歸人哀援嗟未住我僕旣云痛投宿在何處溪山且縱觀明日又非故

和雪堂飲酒詩

富貴不可期有酒莫若飲一斗還一石旣醉就高枕日日飲酒何所牽時醉時臥恆陶然金貂解來惟換酒鸕鷀貫去不論錢忘情窮與達寧分愚與賢但知醉者其神全全於酒卽全於天古來富貴多磨滅風流千載飲中仙

中秋讌集望仙樓無月

梅里詩輯

卷十六

二

好飲何辭飲言愁始欲愁經年鄉信杳一夕雨聲稠令節家家宴長天樹樹秋羣公多逸興無月亦登樓

十六夜月

秋月自明晦人心有愛憐昨宵風雨後仍見一輪圓遠樹分天際微雲散坐前無勞把酒問良會紀年年

自建州順流而下

攬勝丹山遠乘風碧水行叢生千樹暗特立一峯明危石吞舟影驚濤奪槩聲中流頻放溜爽氣自縱橫

行武夷山畔

鐵笛高館想寒淒剩有登臨興無緣斗酒攜

王芬

芬字來素有蘭餘堂詩草

詩話先生耕讀南村不以窮賤介意詩饒雋致天空
列宿轉村曠微烟吹足稱警句

從軍行

離家同死別萬里赴戎征夜燒千山合秋屯衆積平錦衣中
尉使蘆管左賢營無定河邊草今春已不生

將雨歸

招遊當地留醉得談心脩竹含烟暝高松落醉陰僧歸山
路細漁出夜燈深一步一回首看花約再尋

夏日村居

長夏多幽事深林不閉關捲簾春果落散帙暮禽還濯足時
臨水怡情且看山飄然逃世網吾愛子陵閒

繞屋竹參差窺籬花滿枝藤梢蛇挂蛻樹頂兔垂絲才拙身

梅里詩輯

卷十六

三

堪隱形羸壽未知柴扉可棲息何必鹿門期

送岑十四之江南

愁寂送君行悠悠千里情大江分越界匹馬背吳城草盡霜
花白秋空山月明飄零遊子意寒雁共宵征

再過天香庵看梅

看梅重得到僧家春日良遊興自賒猶喜清香淨水次可容
白髮老年華疎枝纔放空留影冷葉雖封漸作花有意題詩

滿青竹坐來不覺夕陽斜

插柳

竹戶茅簷綠影中夏來長日好生風飛飛燕子迷門巷不比
初來社日同

杜致遠

水香官蘭繪室詩草

致遠字靜公尚書臻弟官平武知縣

詩話大令詩才藻斐然所著研屏詞溫麗纏綿較勝于詩

秋日漫興

池樹輕颺動微波寫鏡明岸蟲寒自語松月靜還生谷響聞
虛籟霜乾識夜晴所思竟何託一雁最關情

客窗對雨懷山子

一春去住不得意二月三月天陰陰東風無言芳草綠曉雲
不動珠簾深出門入門愁舊雨欲歸未歸遠寸心何日片帆
向南下與君同對花前吟

曉發松陵

湖雨湖風客思涼郵亭津樹引離觴昨宵翦盡春燈話不及
篷窗一夜長

梅里詩軒卷十六

四

李符

符原名符遠字分虎小字卯君號畊客又號桃鄉上
舍寅季子有香草居集

詩話桃鄉詩五卷才力學問足亞兩兄至其清空一
氣奔放絕塵之槩尤非兩兄所可掩也工駢體文惜
補袍集失傳華亭高謨園作墓表稱吾里諸前輩名
未成時集飲郡城水樓酒盡燭滅暗中對坐評誦所
熟書某經某史應聲如流適有侍郎倦圃宴歸聞而
驚異明日造訪招至家指示藏書俾得縱讀所未見
誠佳話也

高淳縣別蔣烏几

風吹夏雲馳南浦春將歇坐對青山深綠樹亂鳴鴉我登白
門車君上宛陵梅十日同遊征何爲復離別聚散若萍花憂
心忽如掇

出洞庭望君山

岷峨積雪消洞庭水涵虛南包星沙域北亘巴陵墟波濤浴
日月江漢爲溝渠舟師駕楚榜旅客操吳歛乘流木葉下挂
席涼風徐中有十二峯俯瞰千里區帝子猶未降神靈安其
居懷糲誰結言捐佩空踟躕安得麾蛟龍梁津使涉予

洪江驛

五溪長年者駕舟如弄刀穿石溯重灘十日猶堅牢晚次洪
江驛日落星宿高飭水治夕餐榜歌喧塘坳征邁非一途逆
旅日滔滔前有皇華使鳴鏜肅旌旄後有商賈人言利爭秋
毫遠道各有以涉險輕波濤我獨何爲者皇皇隨爾曹中夜
不能寐反側心鬱陶

雪中登後崖

嘗讀黔中志後崖有奇跡客遊經黎峩深冬訪泉石控勒懷
梅里詩輯

卷十六

五

寒冰衝風禦狐腋漸見瀑布流照耀積雪白況迺梅花開飄
落同一色舍騎憩長松捫蘿登絕壁舉手掬浮雲靄靄沾衣
溼恍若遇洪厓翩然來姑射始知羅施間亦有仙靈宅

擬古

美人居高樓不畫雙蛾眉冶容本殊衆豈在膏沐施當春忽
有懷手攀芳樹枝盛年暮昏姻情至非邪思欲適無良媒坐
歎青陽馳幾愆夭桃節不賦寒裳詩

野繭被枯桐上古軒轅作囊以葡萄錦青絲爲約束齋糧涉
東海遠從異人學三年得成聲解操咸池樂良質託美手聽
者滿階閣一彈興玄雲再鼓翔雙鶴瓠巴與師裏千秋兩寂
寞高調徒自知誰能辨徵角抱之歸深山逍遙獨娛樂

海燕識舊巢林鹿戀山陽人生在逆旅能不懷故鄉故鄉渺

何所茫茫限大江涯涘廣以深龜鼉難爲梁升高而遠望遊
手情孔傷三載一征衣思婦昔寄將經時弗浣濯垢敝闔無
光爲念閨中意未忍棄道傷
春芳嬌白日阿儼臨大道天風從東來吹落同枯槁俛首拾
殘英愛之未忍埽我有桃花顏鏡中不長好手挈白玉壺沈
醉須及早何爲舍樂方戚戚傷懷抱

雜感

丈夫志四海桑麻非安宅天地猶彈丸胡爲悲遠客遠客未
足傷所嗟無樂方內顧迫婚嫁外處乏餼糧采菽聊爲餐斧
冰持作漿朝尋沮溺儔暮逐游俠場浮沈且隨時遲遲謝塵
韁虛已以遊世遺訓師蒙莊

丹山三鳳鳥比翼棲梧桐羞與燕雀羣翩翩各西東相去萬

梅里詩輯

卷十六

六

餘里飲啄難相從所食無琅玕毛羽猶未豐東顧夜郎道南
望羅浮峯悵恨歸來遲有母勞尸費于祿爲親屈宿昔志願
同豈知乘風意至今悲道窮

有女若江妃獨立河水湄交贈白玉環蹇脩前致詞仲春冰
始泮桃李東風吹我馬玄以黃駕言忽西馳盈盈天漢水悵
望隔南箕烏鵲不爲梁何以成佳期盛年欲遲暮延佇心傷
悲

中天高太白烽火動邊城西戎爲我仇大將得專征兵事尙
神速部曲寂無聲白日墮原野但聞戰馬鳴況當十月交朔
氣凝旆旌角弓勁如石寶刀不可擊從軍雖云苦旦暮立功
名舍我舊縫掖望闕請長纓荷受力不及又恐負生平馬首
靡所託歧路空屏營

羅浮有仙人遺我龍蔥幹裁之爲長笛律呂若條貫正響激
林表鳳凰鳴天半濮上盛弦歌新聲日靡曼聽者惑荒淫傾
耳動嗟嘆世俗多昏迷寧知我所患知音二三子迢遙隔雲
漢招之未能來孤立被衆訕愁思當訴誰鬱鬱處宵旦
渡水策青驪涉原操蒙衝少壯一失足垂老將焉從俠客舍
七首束手難樹功王孫泣歧路不如田舍翁狀貌若至愚俛
仰拙爲容邦族且相棄何況行路中朝詠伐木詩暮乃賦谷
風我無干黃金結交安得終

詠羸車

眠輿六尺長細劈黃篋做織蘆頂彎環裁杉底柔悞約比筠
牀輕量較檀龕大精選雙羸扛差勝兩夫荷互郎議書券僱
值倍載貨低首褰簾帷盤膝倚包裹頗似老衲參又若新婦

梅里詩輯

卷十六

七

坐避彼雨與風容我病且惰傍有圍人驅時作醉尉呵或後
搥策隨或前引韁拖下坡愁傾危入市懼疾過屏擺屈戌脫
窗擊側理破轉側不暫寧偃仰詎能臥如駕小牒欵一任高
浪簸目昏五色花頭眩百轉磨唾想玉壺攜飲怕錦茵澆露
筍啞啞鳴風鐸郎當和日久乃安然道遠亦無那穩達北平
遙實藉西產佐麟臆未足誇龍芻豈憚倒塗車以鳳膠舉觴
還自賀

過金陵贈汪民部鈍庵

長洲民部東南美早歲芳名滿人耳坐擁圖書枕玉函招延
朋舊盈朱履當年對策動朝端金門視草 天顏歡宮城月
土鳴珂入禁苑花開拂袖看承恩卻賜青團扇丹書捧出麒麟
殿近屬司農領國儲會隸秋官理邦憲暇日揮毫迅若飛

一紙傳出傾城知奇文早重韓陵石黃絹仍題孝女碑更有
詩篇妙無敵銀鬢天球世難識王韋絕調許重論鮑謝風流
未衰息今年奉使秣陵城秦淮渡頭春水生里門爭識相如
傳畫舸如看博望行客游將指昆明道稅鞅鍾山對芳草豫
愁津鼓漸催人瞻望雲亭苦不早日度支旌節石城開愛客何
曾放酒杯華月從遊那忍別江頭繫艇且遲迴

橫塘曲

朝來策馬城南路好鳥間關雜芳樹佳人十五怨陽春勸飲
壚爨日將暮杳杳橫塘一水斜蘭舟蕩槳未還家清江兩岸
東風起飛盡楊花復柳花

六月晦日對菊

曲沼芙蓉弄初歇小山桂樹香未發雨中叢菊數莖開著屐
梅里詩輯 卷十六 八
驚看下階滑竹裏松邊朶朶藏幽蘭九畹失芬芳此時先浥
朱明露他日仍陵青女霜故園東籬未應早落英莫采悲將
老舉觴對花花自鮮將花解愁愁不埽況經爲客倦登樓醉
折繁枝插滿頭誤疑今日重陽節不信明朝七月秋

憶昔歌送朱丈湛侯歸里

憶昔梅花溪上宅總角陪賓早相識世事滄桑十數年君作
葉榆五馬容布衣吹簫溟市東會題尺素託飛鴻使來遺我
青玉案我亦報爾芳蘭叢陽春相遇螺峯下知君左遷郡司
馬昨日封還太守章今朝將返山陰野點蒼山石隱畫圖會
無一片攜歸途昔賢猶載鬱林石如此清風今有無

爲沈融谷題茶星閣

沈郎嗜茶有奇癖柘西小閣顏茶星社前新芽手煎煮林間

日日炊烟青自從繫馬雙臺宅龍井鴉山總難得何當軍將
來打門窮封傳送青門客我亦茶仙非酒仙經年消渴愁未
痊只思梳底傾如雪不愛壚頭瀉似泉忽憶茗南逢穀雨春
風開園見村女采殘紫筍鉤籃歸兩兩青蓑隔溪語似此樂
事須還家君行且種河陽花他時寄載一車去索取琴邊歌
鬪茶

喜晴

離家十日雨今始見朝暉深樹鳴鳩歇高樓乳燕飛輕紈裁
夏扇細葛換春衣綠徧王孫草鄉心夜夜歸

辰州晚泊

石穴書何在空餘二酉山平田農飲散極浦釣船還太守出
行部孤城早閉關當時立桐柱辛苦服諸蠻

梅里詩輯

卷十六

九

普市

江路晚蕭瑟船頭涼雨過山程黔路近賈客蜀人多夜久生
殘月風微緩去波客眠長獨醒飄泊奈愁何

送礎臣歸太湖

我欲辭金馬君先歸洞庭秋風垂橘柚七十二峯青且去尋
香草無妨醉醞綠醞河梁一分手惆悵獨飄零

臨漪草堂雜詩

雨雪深寒夜雲林積未消白連方吐月青隱欲抽條竹葉千
尊熟桃花片紙招只須扶屐到不似剡溪遙

伯兄斯年再遊嶺南奉寄

未倦登臨興珠江今再游經年無煖席強半在孤舟卑溼連
潮汐微茫帶女牛若從始興過涕淚詎能收

先君子不祿
在韶州客邸

尋甸州雜詩

新丁非舊日極目總含愁壘障全無樹清川不見舟人家連
草屋阡陌臥封牛倦客依人住翻然悔遠遊

昔日烏蒙部通財食貨兼百金朱汗馬一斛水晶鹽互市鄰
封禁登壇節制嚴至今惟結輩不過獨山尖

秋夜獨坐書懷

獨坐情難遣頻聽戍鼓殘燈花任開落珠斗忽闌干客夢還
鄉易荒城得友難淒涼今夜月舉首共誰看

江村

露籬凡幾折半挂綠莎衣日落收耕具潮平出釣磯雪鷗依
榜宿花鴨認欄歸近爲輸蘆稅江人住者稀

句容

梅里詩輯

卷十六

十

雨黯孤城外遙峯翠靄沈馬疲愁日晚鴈少覺春深江葦樵
人擔山花汲婦簪茅仙祠在眼徒有茹芝心

滁州

南北譙形壯東西路勢連河流烟樹外山遶郭門前過市求
風鯽逢人問釀泉空攜詩屐在一宿又籠鞭

謁漢高帝廟二十韻

赤帝成功後黃圖卜世長彩雲飛碭縣佳氣亘徐方崛起羣
雄附爭衡一霸強重瞳非敵國隆準是真皇王業關中固軍
容垓下張蕭曹歸駕馭信越歛飛揚偃武娛長樂酬庸宴未
央宸游雲夢返弓墮鼎湖傷原廟衣冠冷長陵草木荒粉榆
今父老伏臘舊蒸嘗遺像千秋祀高葦十里望彭城雲漢漢
灘岸水湯湯還沛鸞旂杳歌風鳥跡亡

舊有蔡邕
書歌風碑

臺鄰戲馬

地劍沒斬蛇鄉古殿門嘗閉寒爐燼不香麟身銷畫壁蛀粉
落雕梁灑掃無宮監周遮有佛場彩姬雙雉扇玉貌五龍裳
豁達眞如在精靈儼激昂布衣贍拜日鷓立想非常

九日登昆明城樓

城上浮雲接大荒山川終古自蒼茫清秋欲盡憐重九遠客
憑高愛夕陽鞞鼓十年銷戰伐閭閻萬井固金湯昆明天險
那能似鑿向秦中笑武皇

秋夜不寐懷故鄉作

鉤月初沈鴈稀聽殘金柝響圍扉燈窗樓屑新涼近香枕
濃團舊夢非客舍已嘗秋社酒家鄉未寄臘娘衣數間老屋
菱塘外孤負漁竿插釣磯

懷沈山子

梅里詩輯

卷十六

十一

謀僮耕十畝田古橋村落結廬偏鄰花過屋指吟袖畚水
成溪活釣船展響柴門詩弟子壘開竹墅酒神仙纒絲徑裏
踟躕別惆悵西風又颯然

書懷和龔蘅圃用放翁韻

朔塵點點沈山衣寒峭難禁雪又飛雞骨不堪徒步出鷗心
終想刺船歸踏冰沙磧情無賴種水烟鄉意重違蓬戶梅花
三兩樹一庭疎影近誰依

滇南春詞

春登隄岸廢何年九曲虛聞載酒船惟有素馨花不改紅羅
摘去換青錢

金馬山前白骨堆長埋俠少控弦材家人澆酒哭寒食盡坐
桃花馬上來

菘

青樓大道綠楊多中有紅顏似素娥不學秦箏和趙瑟尊前
只唱采茶歌

蠻女簪花拍手招齊來山上伐松條春深敲火燒阡陌不種
甜瓜種苦菘

滇南正月如三月李花桃花開滿城待到花朝花盡落未逢
上巳葉全生

答奕庵從祖

紅羅亭畔客徘徊望遠還登舊越臺孤負秋筵黃雀會拒霜
花爛不歸來

白門秋盡喜龔石坪至

散花灘上雨如絲愁束春裝付舵師不信江南紅葉底冷苔
重埽對秋碁

梅里詩輯

卷十六

三

秋柳

鴉棲蟬抱不藏身搖落都無舊麴塵如此烟條忍攀折夜樓
吹笛更何人

霜後風淒樹樹寒紅樓近處莫吹殘畫眉人去無新樣留與
梳窗一葉看

移居檢點箱匣見亡妻鈿奩感賦

棗犀銷黯鈿花昏四角摩挲染淚痕猶貯嫁時雙鳳插斷珠
零落付桃根

褚標

標字霞建

詩語霞建詩如露下芙蓉極饒風韻留谷稱其年少
氣盛極思奮藻光彩奪目甫逾壯歲鬱鬱患心痛死
故敘其詩以頁才不展沈吟味歎寓不平之悲為可
哀以天折為尤痛而欲輯遺詩以傳之今所輯之本

不知沈淪何所蓄谷有知其爲痛更何如也

古別離

盛年不可再別離安可忘思君曾幾日蕙草揚芬芳悠悠即前路北上遵太行山川何阻修君馬玄以黃念妾桃李姿倚儺當春陽采采方及時無令棄道傍

靜夜思

涼風生河漢明落葉本無意寒蛩如有情夜長起坐彈瑤箏哀絃歷亂飛鴻驚繁星在天月在戶千里相思恨轉并絃上聲愁未平懷佳人兮望蓬瀛瓊樓倚閣空中橫願乘青雲去雙飛作鳳鳴

朱彝鑿

彝鑿字于民一字千里茂曙子有笏在堂遺橐

梅里詩輯 卷十六

三

詩話于民生而穎異于山水圖畫秦漢篆刻不假師授輒得神解嘗詣經師講詩小戎章璞于車製乃削木爲之市稱人馬御輪執轡觀者歎服卒年纔三十一文采風流與褚霞建競爽而俱天天年竹垞太史稱其詩長于送別

平望驛夜泊

樹色繞寒塘鐘聲出上方秋來重作客此去入他鄉暗浦月初落前川風正長孤舟羈旅夜回首淚沾裳

同沈進王治馮金榮游南鎮

同上山陰道還從禹廟過雲霞逸晴樹臺殿起中阿白日塔前少飛泉雪後多良游洵可樂高臥想烟蘿

采蓴

四月湖流闊三潭塔影低最嫌絲滑膩易脫掌東西遠水旋教濯歸舟亦可攜家兄貯以瓦盆攜歸長水當筵啜小陸羊酪詎堪齊

送家兄之會稽

山水雲門好，君行二月時。
清風玄度宅，明月右軍祠。
芳草春俱發，官亭去莫遲。
應知登眺處，天外動離思。

送懸公之武林

聞道孤山好，梅花今正開。
江連子胥廟，樹繞越王臺。
千古英雄盡，中原戎馬來。
羨君從寄跡，不復事塵埃。

仲春客舍

二月餘寒逼，林花開正稀。
板橋山雨斷，村岸野船歸。
作客愁生計，因人問是非。
永懷成獨坐，寂寞掩荆扉。

許村曉發

五更殘雨歇，烟樹覺微明。
惻惻憂羣盜，悠悠念獨行。
春雲開水市，曉月倚山城。
漸覺鄉音異，淒其動旅情。

梅里詩輯

卷十六

十四

水市曉

山晚黃雲合，城高白霧昏。
夜帆歸驛舍，江色動柴門。
歲月閒雙屐，生涯老一尊。
秋風正搖落，客思復何言。

秋懷

秋天涼雨後，客望但蕭條。
小市人烟斷，高林木葉凋。
江聲連古驛，月色湧寒潮。
極目瀟湘遠，愁魂不可招。

江亭晚眺

散帙長天暮，幽棲百事違。
蒼江臨夕照，深樹隱漁磯。
竹逕寒流入，松巢獨鶴歸。
何當招昔侶，行采故山薇。

同吳聞璋盛鶴江集徐撫辰園亭喜查韜荒自京口至

有客丹陽返，相逢徐穉家。
開尊上明月，卷幔落晴霞。
疎樹澗溪遠，寒花石徑斜。
高陽皆舊侶，後會未應賒。

西湖竹枝詞

段家橋邊湖日陰石新婦下湖水深自從蘇小西陵去松柏
青青直到今

繆其器

其器字受茲號倦鋤處士師似季子國子監生有遙

山堂集

詩話先生若谿少弟讀書敦行以兄為師遊歷四方
所交多名卿遺老詩篇雅正不失唐音

送懸崖和尚之天台

杯從長水渡錫倚白雲飛野寺徧春草空林餘夕暉石泉遙
灑落花雨近霏微惆悵支公鶴相隨願獨違

送許巢父

客舍逢君晚飄零各異鄉青山巢父隱白眼阮生狂梅蘗經

梅里詩輯

卷十六

五

時放嵐光隔浦長春風好相待及爾更飛觴

送朱人遠南歸

旭日冰初解空江雁獨飛那堪孤客夢遠逐故人歸地憶嵩
山勝時余客都門將
有天中之役情同越鳥依因聲報家孟相待及春暉

臘夜同季希韓朱人遠潘次耕徐白峯鄭文谿鈕書城
集柯柱功寓齋

何計天涯破旅愁宵分且共故人留觴傳白墮寒威減漏徹
銅龍曉氣浮作賦於今盡潘岳論交不獨羨朱游青雲剩有
飛騰意留滯徒嗟做客裘

吳源達

源達字孝章給諫源起從弟國學生考授州同有野

外堂稿

詩話野外五言律頗清穩晚景顛連類然自放矣句
如老知秋漸少坐待月初升竹風須共被村雨會留
人樹深遲見月露冷薄添衣滿天細雨牽魚網連日
斜風送米船貧將去我仍難別醉喜看人爲獨醒皆
琅然可誦亦能畫自題盲子相打圖云寫得紛爭絕
可唾據何所見怒隨之老拳毒手交加處孰與分清
某在斯嘗集杜詩成帙

之
康熙己丑孟冬丁來修病亡其妻王氏赴井死詩以哀

誰無夫婦恩和諧願白首常變遇不齊節烈時或有嗟哉梅
會里方伯王公後曾孫女嫁丁好合曾未久女方二十三良
人殞年壽回生力不能獨活誓肯苟有井不顧身無人覺援
手哀情動蒼天陰霾錯昏晝雷霆閃電光風雨一時陡雙棺
俄竝陳兩魂仍相偶華表鶴同歸旌獎宜不朽浩歎復沈吟
野外一老醜

梅里詩輯

卷十六

六

關

澄江高映塔舟楫滯長途設稅千條有看囊一物無寂寥書
劍客悉索虎狼徒 聖代猶如此爲關意自殊

同沈霏圃陳元上過湧蓮精舍

同訪招提境秋風又一時涼雲微帶雨黃葉會催詩溪靜開
松徑門閒護竹籬老僧能愛客話久不知疲

西園

路向西園僻人從暇日過青霄連野竹白苧起新歌返照入
林靜疎鐘隔水多冷然心賞久今昔感如何

甘儲館

茅屋堪容膝蘿垣只及肩春深寒作雨野曠樹棲烟酒漉新
菘濁魚收晚市鮮三更猶秉燭相對儘悠然

秋日書懷十韻同周青士賦

優游琴史憐同調，樽息田園歎獨醒。孤雁翔翔來杳渺，高林迢遞接空青。才華時譽虛聯璧，節操傳家負一經。蹤跡潛夫應著論，沈淪處士或占星。回看雲物三秋麗，正憶干戈幾日寧。烽火猶從塞外見，雞鳴惟向夜分聽。何妨白眼看浮世，且任滄浪逐轉萍。自笑祥金休躍冶，人嗤腐草尙流螢。門堪寄傲還栽柳，客有憂讒誦采苓。更待明朝黃菊綻，相將沽酒問旗亭。

吳源達

源達字辛劬，又名源帖，字瞻兮，上舍。源達弟有半鄉。

人詩

詩話半鄉詩太輕爽，句如來尋春草臨溪屋，歸喚桃花隔岸船。風致可愛吳歌百首盡，取俗諺爲題耳目。

梅里詩輯

卷十六

七

一新聯體文亦流麗

村居雨後寄壽偉胡子

朝辭枕簟涼，涼巡檐倚江閣。烟迷初日昏，雨過浮雲薄。風卷卷餘書，晴階曬殘藥。忘機鷗鳥近，注目秋花落。卽此無世喧，何必邛與壑。所嗟同心難，相期采蕭藿。

古松庵歌題贈石濤上人

城南里許桃花村，昔有古松今不存。路旁父老重歎息，猶能拉客看其根。此松相傳百歲外，離奇盤曲青如蓋。鳴巢傾欖神鬼憑，狐穴焦枯霹靂壞。主人當日最豪華，松底留賓衆所誇。妙妓迭斟千日酒，綺筵不數五侯家。轉眼之間家破敗，留得子孫無幾箇。於今潦倒道途邊，終日看松常忍餓。金陵有客雅好奇，姓名埋沒人不知。修髯禿髮身骯髒，短劍而外攜

楚詞偶來住腳古松下小構茅庵禮般若丈夫混俗信有之
半是緇衣半風雅一朝廟謨稍變更妖氣忽動東南兵峩峩
戰船高百尺採伐樹木無枯榮縣中胥吏抱案牘以次搜求
到鄉曲老僧瞑目不敢言拾得松枝一兩束嗟乎世事真滄
桑古松主人久已亡誰知草木還遭劫茅庵從此少輝光余
聞此言徒快悵彷彿青松猶可望野曠日落悲風來一聲清
磬空諸相

舟次半邏寄錢子湘先生

百里秦溪水孤帆半邏村竹青梢屋角沙白露灘痕山色看
秦駐潮聲聽海門何時還翦燭風雨話黃昏

暮春同胡天岫許策友沈山子涂長簡周林於家兄孝
章宴集周青士采山堂

梅里詩輯

卷十六

七

折簡來良友中車問酒壚雲沙連野闊水竹入村紆柳暗風
逾急花明日未晡從遊初結客禮數卻羞儒歎世兵戈起哀
時歲月徂殘更猶擊柝列炬忽驚烏壯志埋霜劍悲歌碎玉
壺窮居曾著論未敢薄潛夫

訪周營谷

水源窮處一橋通茅屋頽然著老翁射鴨灘頭蘆筍碧釣魚
磯下蕩花紅新裝詩卷襄陽派短挽衣裳杜老風笑問偷錢
堆狹路可能換酒抵青銅

宿邯鄲

一室空悲清夜徂店門開處亂唬烏誰言富貴邯鄲夢我到
邯鄲夢亦無

丹陽

不到丹陽已十年眼中風景尙依然行人莫買離鄉草提起
離鄉便可憐

夏雨北風生無雨也風涼

北風小雨滿池塘茉莉花拋枕席香笑剔銀燈郎睡否今宵
無雨也風涼

王金鉉

金鉉字越千一字鼎扶

秋日漫興

吾廬處僻地暑退小村幽曲岸飛桐葉斜蘆抱竹樓水澄菱
舫出日淡稻花稠別有清閒致東溪隱白鷗

訪張山人

紆迴小徑出村南爲愛探幽到碧嵐攜杖每教錢挂百舉杯
梅里詩韉

卷十六

九

不速客來三閒臨清水纓堪濯倦倚喬松髮懶簪塵世是非
應莫問農家耕讀素相諳

九日同屠展馭登爰山

亦有登高興能無載酒來茱萸空自把黃菊爲誰開市遠人
烟細秋深客思哀不緣循故事那復上層臺

陸輅

輅字端轂一字澹夫

詩話澹夫工醫李無壘贈以詩云姓同陸羽原高士
術繼盧醫是國工嘗居郡城北郭後還里之東偏一
時文士爲賦移居詩先王父省齋公序之

春夜同諸子集周愚村園亭

高齋聚首誠足樂況是寒梅將著花撫琴歌曲我還拙把酒
賦詩君可誇燈光閃閃滿庭戶爐烟細細籠窗紗團圍今夜

須盡興出門明月同天涯

時弁山將之

王天穎

天穎字山鐘

詩話山鐘詩未脫學究氣石榴絕句忽作閩房旖旎之言雖言外無餘味要自嫣然可人

石榴

綠樹濃陰底朝來刺繡閒珊瑚雙葉子尋取插雲鬟

程應元

應元字天行號南村

元宵別諸友之廣陵

祖餞逢元夜年來多異鄉月圓春水閣燈冷故人觴客慣治裝易交貧握手長相期盡一醉笑折野梅香

涂允儀

梅里詩輯

卷十六

允儀字長威

辛

輓張廉齋

木落重陽柳刺絲崇朝秋兩折高枝尙新竹簡思劉沼一上濠梁弔惠施聞訃卻慙雞黍誼招魂空賦芷蘭詞明年再遇登高節誰插茱萸傍酒卮

陳昂

昂字書崖休寧人遷梅里

江村秋望

蓼渚紅無奈蘆洲白可憐夕陽漁事罷分艇亂蒼烟

李分虎曾游洱海遇碧雞山道士謂其前身是廬山行

脚僧十年後當仍歸廬山空金陵龔方伯佳賓署與吳

半卿麟最契刻其未邊詞入浙西六家後舉辛福州吳

錫鑿二種王越千以下六家詩從輯餘補入孫繼識

梅里詩輯卷十六終

